

























Morgan  
Vol. 10817 Vente Vichon

Frontispice et planches, gravées  
sur cuivre.


Description de 58 arbres et plantes  
et de 43 espèces d'animaux

19392




5434













Qdo Iussu Louis

LE  
IARDIN, ET CABI-  
NET POETIQUE  
DE PAUL  
CONTANT

APOTICAIRE DE POICTIERS

A Tres haut et trespuissant Mon Seigneur,  
Maximilian de Bethune, Duc de Sully,  
Pair de France, Cheualier, Marquis de  
Rosny, Con<sup>re</sup> du Roy en ses Conseils  
Destat et priuè, grand M<sup>e</sup> et Cap<sup>ne</sup> gn<sup>al</sup>  
De son artillerie, grand Voyer, et super  
Intendant des Finances De France, Gouver<sup>ne</sup>  
Et Lieutenant gn<sup>al</sup> pour sa Ma<sup>te</sup> en poictou


A POICTIERS

Par Anthoine Mesnier, Imprimeur ord<sup>re</sup>

Du Roy

DV DON DE DIEV IE SVIS CONTANT

1609









A TRES - H A V T,

ET TRESPVISSANT MON-

SEIGNEVR MAXIMILIAN DE BETHVNE

*Duc de Sully, Pair de France, Cheualier Marquis de  
Rosny, Conseiller du Roy en ses Conseils d'Estat &  
pruë grand maistre & Capitaine General de son Ar-  
tillerie, grand Voyer & superintendant des Finances de  
France, Gouverneur & Lieutenant General pour sa  
Majesté en Poictou.*



ONSEIGNEVR,

C'est vn riche & subtil discours  
entre les Philosophes, à sçauoir  
si la curiosité doit faire nôbre  
entre les vertus ou les vices: sur  
vn si hault & si graue subject, il y  
a entr'eux vn grand Concert, dont les opiniõs sont  
diuerses, & plaisent diuersement. La seule curiosité  
me semble vertueuse & loüable laquelle s'exerçant  
en ce qui est honnesté est vtile à tous nuisible à nul



& agreable à celuy qui en vse. Ainsi ie ne puis suivre l'imagination de ceux qui ont tousiours l'esprit errant & vagabond, à qui les conceptions sont des monstres & Chymeres, obiects trop familiers aux esprits phreneticques & malades. Mais la curiosité qui m'a faict dresser ce Iardin & Cabinet Poëtique (ains plustost vn recueil de plusieurs singularitez recherchees en la plus grande partie de l'vniuers) soit de fleurs, fueilles, fruiçts semences, racines, bois, escorces, suc, larmes, gommes, resines, pierres, fossiles, mineraux, metaux, animaux, oyseaux, poissons, conches, concrements, excrements, & increments de la terre, n'a esté que pour les vous consacrer. Que si vos yeux s'abaissent tant d'y donner quelque œillade, leur rareté en fera d'autât plus releuée puis que la vertu & l'honneur vous ont placé au Ciel de la France en vn lieu sur-eminant, pour loyer de vos merites. Receuez (MONSIEUR) ce present, bien que petit, & que vous soyez vn Ocean de merueilles, vn Ciel estoilé de toutes les vertus Chrestiennes & morales, vne terre fertile des plus delitieux fruiçts de la vertu, & de l'honneur, Soleil qui animez le Seminaire des plus nobles & releuez espritz de ce temps, Cabinet fauory des graces de sa Majesté dans lequel elle cōtemple comme en vn miroir les diuins effets des plus dignes esprits de son Royaume: De vous discourir de la vertu des



plantes, de la nature & propriété de toutes ces choses, & autres non moins admirables qu'à tout moment ceste nature curieusement produit: Ce seroit d'une plume sacrilege prophaner les escrits de tant d'excellents Autheurs anciēns & modernes, qui ont choysy ce subject pour vn theatre propre à manifester leur suffisance inimitable. Agreez donc par vostre benigne & fauorable grandeur ce Iardin & Cabinet Poëtique pour essays & deuanciers d'un plus solide labeur: que si ie cognois qu'il vous soit agreable, ie me propose de vous en faire voir toute la suite: & si l'œuure n'en est assez parfait pour le iuger digne de vos perfections, excusés l'ouurier qui n'a le temps aussi fauorable que le subiect le merite, pardonnez à la temerité de l'autheur, veu qu'il se deuoit traicter, par vn esprit plus capable & plus chery des graces, & des Muses. Ne le desdaignez pourtant, M O N S E I G N E V R, à l'imitation du Soleil, qui depart ses influences aussi bien sur les bas Soucys que sur les Cedres du Liban. Vostre singuliere humanité enuers ceux qui donnent leur loisir au public m'a enflé le courage pour donner au iour sous les fauorables Auspices de vostre nom Heroïque ses fructs, que mes veilles, frais, & labeurs, ont puisé en diuers mondes, avec esperance d'en tirer d'autres à l'aduenir, qui ne vous donneront moins de plaisir & de contentement que ceux cy.




pour les prosterner aux pieds de vostre grandeur  
avec mon tres-humble seruice, les accompagnans  
de ces vœux religieux auxquels i'estime tous les Frā-  
çois estre esgallement tenus; Qu'il plaise à Dieu.

MONSEIGNEVR,

Vous conseruer longuement pour le seruice  
de sa Majesté tres-chrestienne, & de sa tres-  
heureuse posterité. De Poictiers ce 12. No-  
uembre. 1608.

Vostre tres-humble & tres-  
obeissant seruiteur  
PAVL CONTANT.





# A LVY MESME,

## SONNET.



*E n'est point pour lustrer en vous ce qu'icy bas  
Chacun void, touche, honore, y reuere &  
admire;*

*Que i'estalle à vos yeux Soleils de cest Empire  
Les curiositez de mes ieunes esbats.*


*Mais poussé d'une ardeur qui vous suit pas à pas  
Qui cherit vos vertus, qui seulement aspire  
A vous faire iuger, que vous seul ie respire:  
Ie rends commun à tous ce qui ne l'estoit pas.*

*Les biens dont la Nature embellist ce grand Monde  
Que la terre en partie, & les profonds de l'onde  
Reçellent aux humains dedans leur centre creux;*

*Comme vos tenanciers, icy font leurs hommages  
Desireux de pouuoir esmouuoir les courages  
Pour porter vostre nom iusqu'au throsne des Dieux.*

Du don de Dieu ie suis CONTANT.





# A LVY MESME

## SONNET.



*ES esprits curieux qui verront cest ouurage,  
Admireront ses traits, & son tissu diuers,  
Representants au visif tout ce qu'en l'univers  
Les Elements ont eu de rare, en leur partage.*

*Mais ils doiuent encor admirer le courage  
De l'ouurier, & son art, qui pour rendre ses vers  
De Lauriers triomphans, & de Palmes couuers,  
Oze les consacrer au Soleil de nostre eage.*

*SOLEIL, dont les rayons fauorisez de Mars  
Tiennent le Ciel serain par leurs brillans regars,  
Illustrent nostre France, & la comblent de gloire.*

*GRAND SOLEIL, cest Icare à voulu esprouuer  
Ta grace & ton pouuoir: Si tu veux l'esleuer,  
Son vol le portera au temple de memoire.*

*Y. DE B. S. DE LA CLYELLE.*





## AD PAVLVM CONTENTVM.



Am quæ te virtus animi, quæ tanta  
cupido

Impulit aut pulchræ laudis honestus  
amor,

Vt si quid rarum procul hinc, mirabile si quid

Colligat ignotis nauita litoribus,

Protinus id studeas nullo non quærere sumptu,

Totq; tuam spoliis condecorare domum?

Fallor, an hoc magni Genius facit ille BETHVNI,

Cuius ab auspiciis omnia læta fluunt?

Scilicet hic ille est, duce quo nunc aurea floret,

Gallia vicinis inuidiosa locis.

Nunc ardent Gallorum animi nunc sidera quisq;

Cogitat atq; humili se quoque tollit humo.

Iure igitur talem legisti, Paule, patronum,

Otia vel solus qui facit ista tibi.

Nimirum vt fausto cui iam dedit omine vitam

Ipse suo tutum nomine seruet opus.

SCÆVOLA SAMMARTHANVS.



---

AD PAVLVM CONTANTVM

*Epigramma.*

**Q**UOD dicā sine fraude tuæ dulcissime famæ,  
Non hoc martis opus crediderim esse tui.  
Lemnifos ludens conchili murice Pallas  
Texuit, ipse sua legit Apollo manu.  
Cōrycio Musæ crocino tinxere; bonusque  
Quinta parte sui nectaris vnxit Amor.

AQVILIVS.

AD EVNDEM.

**Q**UÆ pelago, quæ nata solo, quæ fusa per auras  
CONTENTVS capsis continet, hisque libris.  
PASCH. le COQ. Med. Doct. Pictaueusis.

---

P. Contantio Pharmaceutæ peritissimo

*Epigramma*

**H**Æc ego tam vario miratus picta colore  
Serta, nec vlliùs disperiisse decus:  
Nunc tandem agnosco Phœbæo numine plena  
Pectora, quæ formam, quæque dedere modos:  
Vnde tibi assurgunt virides in tempora Lauri,  
Quæ te Pierijs vatibus annumerant.  
Fortunate parens, cui tantùm verna corona  
Victura æterno tempore ferta parit.

F. CITESIUS D. M.





DE ADMIRANDIS A P. CON-  
TANTO EX VTROQUE ORBE  
*congestis, Veteris Romæ, Querela:  
In Galliæ laudem.*



ERNERET hæc magnis cum Roma  
superba triumphis,

Ingemuit tortis inuida pollicibus.

Fatorū dubiam toties pertæsaque legē,

Protulit in patrios impia verba Deos.

Quid mihi confectis tot profuit inclyta bellis

Regna premi, aut vrbeis me dominante capi?

Annē ego tam duros potui perferre labores,

Miranda ut populis vndique congererem?

En nouus orbis adest, mira omnia; prô dolor! in-  
quit.

Vincimur, ac tandem gloria nostra perit.

Ah pereâque (precor) quando vnica gaza triūphis

Ditior hæc, pompis nobiliorque meis.

Hæc capite obnupto tacitum confessa pudorem

Detestata suos fuderat ante Lares.


Tum patria excedens, numquam reditura petiuit

Externo volitans mœsta sub axe fugam.



Gallia! quæsitum meritis nunc sume decorem;  
Altius & stellis exere digna caput.  
Candida iam spargens manibus tibi lilia plenis  
Totus iô Pæan concinit orbis ouans.  
Ante inuicta tibi nam cedit Martia Roma,  
Atque triumphatus Indus vterque subest.

I. MORELLVS. Off. Piët.



DE CONTANTI SPECTA-  
*tissimi viri Pandochio.*


**N**on est, semotas sapiens quod tendat ad oras  
Pāditur hic, mūdi machina quicquid habet.  
NATH. DE RONDEAV OFFIC. TVRON.



Omnia grata oculis Contanti armaria pandunt.  
Hæc lustrando oculis sic animum refice.

IO. LE GEAY DOG. THEOL.





SVR LE IARDIN ET CABINET  
POETIQUE DE P. CONTANT.

S O N N E T.

**C**ouriers qui vagabonds voltigez en tous lieux  
Alumez vos flambeaux, allez parmy le monde,  
Volez parmy les ærs nauigez dessus l'onde  
Anoncez de **CONTANT** les amas curieux.

Allez chantez par tout le thresor pretieux.  
Le rare Cabinet de **CONTANT** qui seconde  
Tous les obiects plus beaux de la machine ronde  
Merueille de ce temps le plaisir de nos yeux.

Anoncez que la France à cest' heure peut dire  
Qu'un de ses nourrissons par le son de sa Lyre  
Peut ravir nos esprits voyant son Cabinet.

Pour moy mon cher **CONTANT** à tes vers ie dedie  
Dy-ie à ton Cabinet ce que pourra ma vie  
En son temps recouuer digne de ton subiect.

SAMVEL VEYREL Apoticaire de Xainctes.





A MONSIEVR CONTANT SVR  
SON IARDIN ET CABINET POETIQUE

## Sonnet en Dialogue.


*Quelle sainte fureur peut animer ces vers?  
Quel esprit esleué d'une graue faconde,  
Peut chanter, & montrer de Nature seconde  
Les graces, les effects, dissemblables, diuers?*

*Qui ha icy rangé du bout de l'univers  
Les thresors plus exquis? qui a d'un autre monde  
La nature étallé, à nulle autre seconde,  
Quel front peut meriter ces Lauriers tousiours verds?*

*C'est un esprit chery des filles de memoire  
Esprit qui a fondé sa plus illustre gloire,  
Aux pretieus secrets eloignez de nos yeux.*

*CONTANT esprit diuin qui nos esprits contente  
Poète curieux il faut que lon te vante  
Le mignon d'Apollon, des hommes, & des Dieux.  
DE LA MONTAIGNE*





SVR LE IARDIN ET CABINET  
POETIQUE DE P. CONTANT

S O N N E T.

**I**L est bien mal-aisé que ma plume ignorante,  
Et ma main qui ne sçait que broyer les couleurs,  
Donnent un plus beau lustre aux monstres, & aux fleurs  
Que par toy la nature une autrefois enfante.

Quand ces diuers portraicts, à mes sens ie presente,  
Ou tu confis l'esmail des celestes douceurs,  
I'ay honte d'aprocher mes rustiques fureurs  
Des subiets que ta Muse en ce recueil nous chante.

Il faudroit estre cher au prophete troupeau  
Et auoir comme toy beu sur le saint coupeau  
D'où pour tes raretez tant d'honneurs tu recueilles.

Mon vers manque d'esclat pour l'oposer aux vers  
Qui brillants te feront luire par l'univers  
Tes riches Diamants n'ont besoin de mes feuilles

LA GASTINALIERE MADRONNET.





SVR LE IARDIN ET CABINET  
POETIQUE DE P. CONTANT

**V**Oicy le racourcy du magazin du monde,  
La merueille qui tient en alarme les yeux:  
Icy du feu, de l'air, de la terre, & de l'onde,  
Se trouue au petit pied ce qu'il y a de mieux.

Fondique de thresors abisme de richesse,  
Source de raretez obiect des beaux esprits,  
Tout ce que l'univers contient en sa largesse  
Tu reçois en ton peu où le tout est compris.

Que tu te sens content te contentant toy mesme,  
CONTANT, qui en si peu ce Chaos as uni,  
Que tu es glorieux en ton labeur extreme  
D'auoir en ce fini, r'assemblé l'infini.

Or poursui bien-heureux & bien-heureux encore  
D'auoir bien rencontré pour offrir tes labeurs:  
Car ce grand DE SVLLY qui ton labeur honore,  
Promet par sa faueur d'agrandir tes honneurs.

BEROALDE DE VERVILLE Medecin.





SVR LE IARDIN ET CABINET  
POETIQUE DE P. CONTANT

**E***Pithomes du Monde, abregé des merueilles  
Vos reputations tirent par les aureilles  
Les cœurs que vos beautéz attirent par les yeux,  
Mais vos loüanges sont encores trop petites,  
Car pour loüer assez tant de rares merites  
Il se faudroit seruir du langage des Cieux.*

*Comme un grand Philosophe avecques sa science  
Des plus terrestres corps tire la quinte-essence,  
CONTANT a retiré des plus estranges lieux  
Pour nous parfaire ainsi les plus parfaictes choses  
Et dans son Cabinet les a si bien encloses  
Qu'au Monde on ne peut voir rien de plus precieux.*

*Mais qui sera trouué digne de plus de gloire  
De Contant ou de vous qui faictes sa memoire  
Viure ne trouuant fin qu'avecques l'univers  
L'exalteray Contant iusqu'au Ciel Empiree  
Et vous pour affermir sa gloire desirée  
PuisseZ vous pour iamais viure dedans mes vers.*

FRAPIER CHANOINE.



---

A L V Y M E S M E.

**L**E destin pour te rendre autant  
D'effect, comme de nom *CONTANT*,  
Despoüille l'air la terre & l'onde;  
Qui pourroit n'estre point content  
Possedant le plus beau du monde?

I. MOREAU

---

A L V Y M E S M E.

**R**Ien ne pourra iamais alterer mon courage,  
Par l'enuye ou le temps car ie seray constant  
Pour tousiours admirer cest admirable ouurage;  
Aimer & honorer le curieux *CONTANT*.  
DENIS BAUDVIN Chantre de Saint  
Gatien de Tours.

---

A L V Y M E S M E.

**I**E ne veux desormais plus voguer dessus l'onde  
Pour veoir & rechercher de nature les faiçts;  
Puis que ton Cabinet, les merueilles du monde,  
Rend vn chascun content par tes vers & portraiçts.  
F. ARNAUDET Chirurgien.



# O D E

DE LA PHARMATIE,

A MONSIEVR DV SIN  
APOTICAIRE DE LA ROCHELLE.



Onsiderant la vie humaine,  
Et la voyant de maux si pleine,  
Je dis celuy bien fortuné,  
Lequel ne void ceste lumiere,  
Mais qui reçoit, de la mort fiere  
Le coup premier que d'estre né.

Oisive n'est iamais la Barque  
Du vieil Charon, veu que la Parque  
Sille nos yeux de toutes pars:  
Et auant le temps nous assomme,  
Prenant aussi tost le ieune homme  
Que les froids & tramblans vieillars.

Quand l'audacieux Promethée  
Eut du Ciel la flamme emportée,  
Iupin si fort se courrouça,



Que de son hault throsne celeste  
De contagion & de peste  
Tout ce monde il ensemenca.

Qui n'ont depuis quitté la terre,  
Faisant continuelle guerre  
Aux pauvres & chetifs humains:  
Ainsi nostre incertaine vie  
Incessemment est poursuiuie  
De cent mille maux inhumains.

Mais ie suis bien fol de me plaindre  
Veu que tout mal se peut esteindre  
Ou alentir par le secours  
Que le Pharmatien nous donne;  
Car il remet en santé bonne  
Ceux la qui ont vers luy recours.

Assez vrayement on ne te prise  
O Pharmatie, qui transmise  
Fus du Ciel Ætheré ça bas,  
Quand Iupin le haut-tonnant pere  
Ayant digéré sa colere  
Voulut retarder nos trespas.

Tu es la garde seure & ferme  
De tout homme. veu que le terme  
De ses brefs iours vas alongeant  
Tu remets es membres la force  
Qu'une langueur perdre s'efforce,  
Et les vas sans cesse rongeant.

Sans toy heureuse Pharmatie,  
Au Tombeau cherroit nostre vie,  
Comme elle fit premierement:  
Sans toy encor toute la race  
Des hommes en bien peu d'espace  
Se periroit totalement.

Combien que la cruelle fille  
Lachesis, qui nos destins file  
A la fin de son œuvre soit;  
Tu fais qu'Atropos sa sœur pale,  
Pour couper la trame fatale  
D'elle aprocher ne s'oseroit.

Iadis le pudic Hippolite  
Esteint par une mort subite,  
Tu fis au monde reuenir:  
Iadis encore la Colchide



*Fit la grand' vieillesse Aesonide  
Jeune & gaillarde devenir.*

*Ainsi que durant la nuit brune  
Au Ciel on void luire la Lune  
Entre tous les autres flambeaux:  
Ainsi entre toutes sciences  
Reluire on void tes excellences  
Escrites en maints liures beaux.*

*Or plusieurs esprits s'esuertuent,  
Et au labour presque se tuent,  
Pour comprendre tes beaux secrets  
Mais mon du Sin toute sa vie  
T'a si heureusement suyuie  
Que familiere tu luy es.*

*Tu luy es donc si familiere,  
Que tout ainsi qu'es la premiere  
Entre les arts plus renommez  
Il faut du Sin que ie te nomme  
De ce siecle le premier homme  
Des Pharmatiens estimez.*

**Du don de Dieu ie suis CONTANT.**



SVR LE IARDIN ET CABINET  
POETIQUE DE M. CONTANT.

SONNET.

**P**Oictiers c'est à ce coup que ta gloire esclatante  
Volle sans parangon sous l'Escharpe des Cieux;  
C'est à ce coup Poictiers que ton los precieux  
Florist, germe, & produit ce beau dont tout s'enchanté?


CONTANT que la vertu heureusement contente,  
A qui Phœbus concede & sa Lyre & son mieux;  
Plus dur qu'en fer, qu'en bronze, engrane industrieux  
Ton nom riche d'honneur sur la riue naissante:

Ainsi qui vouldra veoir le meslange des eaux,  
Les portraicts differents de mille & mille oyseaux,  
Et le tout plus parfaict de la terre feconde;

Qu'il calle sur ton Clain sa voile & son desir:  
Car tu peux dans ton sein luy monstrier à plaisir,  
Les merueilles du Ciel, de la Terre & de l'Onde.

BERNIER DE LA BROVSSE.
















# LE JARDIN, ET CABINET POETIQUE, DE

PAVL CONTANT,

APOTICAIRE DE POICTIERS.

**J**E chante les beautez de la terre nouvelle  
 Les Esmaux printaniers de sa robe plus belle,  
 Je chante les vertus des plus mignardes fleurs  
 Quel'Aube au teint vermeil enfate de ses pleurs;  
 Je chante un beau Jardin qui ne craint la froidure  
 Des gelez Aquilons, le temps ni son iniure;  
 Mais qui tout verd, tout gay, tout riant, & tout beau,  
 S'eternize en mes vers en despit du tombeau.

O toy qui sans repos sur noz chefz fais ta ronde,  
 Phœbus à l'arc doré qui ce grand Tout feconde,  
 Darde tes raiz brillantz sur son front gracieux  
 Et le rendz immortel soubz la face des Cieux.

Donne moy que mon Luth entonne sa merueille  
 Depuis Fez iusqu'au bord où ton char se resueille,  
 Et que du Nil bourbeux au Rhodope glacé  
 Son nom soit fleurissant d'eage en eage placé.

A



Garde ses belles fleurs de la touche poignante  
Des Aspicz des Tabons, & de la main nuisante  
Des Thelins, qui au lieu d'un miel delicieux,  
Enferoient un venin mortel pernicieux.

Mais chantant ce Jardin si parfaict & si graue  
I'estalle à l'Vniuers tout ce qu'a de plus braue  
La Terre dans son flanc, Neptune soubz les eaux,  
L'Air dedans la rondeur de ses moites cerceaux;  
Et reduit en un bloc, par art, science, & cure  
I'en fais un Cabinet qui passe la nature.

Cabinet que voyant l'on ne peut exprimer,  
Cabinet qu'exprimant l'on ne peult estimer;  
Tant la recherche est grande, & qui en son enfance  
Aujourd'huy se faict voir un nouveau monde en France!  
Qui, façonné par moy de receuilz tous diuers  
Descouure les tresors de ce grand uniuers.  
Ca donc que ie te baise? ô! bouche toute pleine  
De Serpolet, de Thim, d'Aspic de Marjollaine,  
D'Anet, de Basilic, d'Yssope, & de lasmin,  
De Lys & de Soucis d'odorant Romarin,  
De Mirthes Paphiens, & d'œilletz & de Rosés,  
De beaux Passe-Veloux, de double Passe-Roses  
Qui produits en tout temps tant de rares couleurs,  
Tant de simp'les plaisants, tant de sortes de fleurs,  
Que le Ciel n'a point tant de brillantes Estolles,  
La Terre tant de grains, ni la mer tant de voiles,

Ny le fonds des ruisseaux tant de sablons mouvants,  
 Que dans toy nous voyons renaistre tous les ans  
 De différentes fleurs, salutairement pleines  
 Des odorants parfums des terres Sabéennes,  
 Que la riche nature agence de sa main  
 Favorable nourrisse à tout le genre humain!

Car cest œil qui tout void qui tous les iours visite  
 Le feu, L'air, & la Terre, & qui dans l'Amphitrite  
 Trempe ses blonds cheveux, ne void rien de si beau  
 Du matin iusqu'au soir, que ce Jardin nouveau;  
 Sur lequel au printemps les mousches mesnageres  
 D'un suc chargent leur dos, & leurs aisles legeres,  
 Puis par une faueur que leur a fait le Ciel,  
 Miracle! elles en font & la cire & le miel.

Ie te salue donc ô Jardin dont la face  
 Tous les objets plus beaux de ce monde surpasse,  
 Dont le front orgueilleux superbement enflé  
 D'arbres & d'arbrisseaux est de tous contemplé,  
 Et principalement en ceste saison belle  
 Que le Phylanthe gay prend sa robe nouvelle.  
 Pour mon objet premier, Ie te salue donc

1. Toy des arbres le chef? dont le tres-riche tront  
 Du coupeau Syrien iadis dedans Solime  
 Fut conduit à grand frais dans le temple sublime  
 Du grand Dieu d'Israel: Ie te salue aussi

2. Honneur Sauoy sien, honneur du mont transsi,



Dont iadis le Gregois pour Iliou destruire,  
 Vn cheual monstrueux de ton bois fit construire.

3. Et toy dont le regard atriste mes esprits,  
 Qui decoures le rang des arbres de grand pris,  
 Qui de tous les costez mille morts fais paroistre;  
 Si de toy quelque'un veult les grands effectz cognoistre,  
 Qu'il tente seulement d'un Morphean sommeil  
 Le dormir chasse-ennuy; s'assure à son resueil  
 Qu'une fièvre tremblante hasardera sa vie  
 Soubz les mortels rameaux de ton ombre suyvie.

4. Je m'incline à tes pieds reuerant ta grandeur,  
 Arbre Plutonien, dont la triste verdure,  
 Iadis enuironnoit d'une funebre sorte  
 La porte du logis d'une personne morte:  
 Et lors que le corps mort au Buste estoit rendu  
 Tu estois tout autour largement espandu;  
 Ainsi ceux du conuoy par ta senteur presente  
 N'estoient point offencez d'une odeur mal-flairante:  
 Toujours verd Bourdelois, rare, pyramidal  
 Propre pour esleuer un arceau triomphal,  
 Telz que sont ceux qu'on void pour ce iourd'hui reluire  
 Dans l'esmaillé Jardin de celle qu'on peut dire  
 Digne de gouverner les vergers d'Alcynois,  
 Et ceux de saint Germain le plaisir de nos Roys,  
 Tant curieuse elle a le soin de faire croistre  
 Ce que son feu mary d'excellent a faict naistre

Dans son ombreux bosquet; pour donner volontiers  
 Un plaisir rare & grand aux dames de Poictiers.  
 Un docte medecin, dont la longue pratique  
 Auoit chargé d'honneur sa personne publicque  
 Presageant son trespas en sa religion,  
 Des plus sages blasmé de superstition,  
 Coniura ses amis d'orner sa sepulture  
 De telz tristes rameaux d'une idolatre cure,  
 Afin de tesmoigner par ce dernier honneur  
 Qu'il estoit le premier des Cypres le culteur.

5. Toy qui de tous costez mille poinctes aiguës  
 As, pour seure deffence autour de toy consuës;  
 Qui herisse tes flancs, propre à faire buissons;  
 Dont l'Itale se sert en ses seures cloisons,  
 Fidelle gardien d'un escarté vignoble,  
 De peur que le larron rauageur & ignoble,  
 Ne cueille auant le temps comme infame voleur  
 Le fruit au bois pendu qui n'est encore meur.

6. Dieu te gard Delphien qui soubz ta tendre escorçe  
 Iadis allas cachant (pour euitier la force  
 D'un Dieu trop Amoureux) les membres beaux & nuds  
 De Daphné mesprisant les plaisirs de Venus:  
 Dont le cheftou siours verd va couronnant les testes  
 Des guerriers tous chargez d'honorables conquestes.  
 Que tu puisse tousiours sacré Thessalien  
 Honorer de mes fleurs le seiour Paphien,

Ain



Que tu puisses tousiours loing reietter la guerre :  
 Que nos estocs sanglants sur l'Othomane terre  
 Tournent leur fil tranchant; & qu'en France à iamais  
 Tu sois signe certain d'une eternelle paix.  
 Et qu'avec le haut chant des clairons & des trompes,  
 On te voye porter aux pacifiques pompes  
 Du Louvre sans pareil, que ses iaspés arceaux  
 Soyent eternellement ornez de tes rameaux.

7. Je t'honore arbrisseau, dont les dames d'Athenes  
 Qui de la chasteté donnoient preuues certaines  
 Guirlandant leur beau chef, & des feuilles faisoient  
 Leur couche en la saison quelles sacrifioient  
 Aux manes de Ceres, pour que leur sacrifice  
 Dit Thesmophorien, vers les Dieux fust propice.

8. Mais voila pas celuy qui au goust de Pinon  
 Porte vn fruit rapportant, & profite dit-on  
 A ceux qui impuissants dans leurs rameuses veines,  
 N'ont pas de quoy fournir aux ioustes Cypriennes  
 Deffaillant le motif du comble des Amours,  
 Faict deffaillir en eux le plaisir de leurs iours.  
 Mais par vn laps de temps son noyau moielle-verte  
 A infus dedans luy une vertu secrette;  
 Aiguissant les espritx aux combas amoureux  
 Qui doublant les effortz, les rend plus vigoureux,  
 Comme à ceux qui auroient mangé de l'Erythrone  
 Pour onc ne se laisser aux ioustes de Dione.

9. Voicy vrayment celuy dont le bois excellent

Est pris pour façonner le pointu curedent,  
 Qui beau va decorant les guarigues plaisantes  
 Du Languedoc, ou sont ses beautés verdissantes:  
 Arbre petit auprès de celui sous lequel  
 Le vieillard-faux tesmoing, disoit à Daniel  
 Avoir Susanne veu commettant adultere  
 Avec un Iouvenceau : dont la larme tres-claire  
 Distillant de son tronc, a cent mille vertus  
 Dont mille & mille maux sont en nous combatus;  
 Et les cruels venins qui bouilloient en nos veines  
 Donnés au lieu de nous, aux ondes Lethéennes  
 10. Que ie t'embrasse aussi, dont la feuille produit  
 Vn excrement cornu, inestimable fruit!  
 Qui au printemps cueilli heureusement colores  
 Et la soye des Turcs, & des Gregeois encores,  
 Dont la riche liqueur chez le Venitien  
 D'Hybla, de Macedoine, & du port Cyprien  
 Aborde habondamment, & qui tres-excellente  
 Porte le nom de l'arbre où elle est ressudante.

11. Toy qui te plais le long d'un doux coulant ruisseau,  
 Qui iadis paroissoit si superbe & si beau  
 Au bord d'une fontaine, au pays de Lycie;  
 Ou par diuerses fois la grandeur fut chérie  
 D'un Cheualier Romain, sous ton toit aresté  
 A luy dixhuitiesme en ton creux banqueté  
 Et sous lequel aussi le puissant filz de Rhée



D'Europe viola la chasteté sacrée  
 Arbre malencontreux, où iadis se pendit  
 Marsyas le fluteur, furieux & despit:  
 Et qui d'or tout massif à ce grand Roy de Perse  
 Ce grand Roy conquerant pere du puissant Xerçe,  
 Par un Bithynien Pithyus surnommé  
 (Celuy duquel on a de tout temps renommé  
 Les thresors innombrables:) fut donné par merueilles  
 Avec autres ioyaux de valeurs non pareilles.

12. Approche, ne crains point comparois hardiment  
 Petit Acacien? usurpé faussement  
 Pour l'espineuse plante en Egypte naissante;  
 Dont les feuilles on peut iusqu'à trois cens cinquante  
 D'un seul poulce couvrir, nous faisant à l'œil voir  
 Que la sage Nature a beaucoup de pouuoir;  
 Que ta fleur, fleur de poix, à la couleur pourprine  
 Embelisse ce lieu de sa beauté diuine?

13. De là est l'arbrisseau qui du Dodonien  
 Piquant & toujours verd a le feuillu maintien,  
 Dont le pays fertile, & la fameuse ville  
 De Mont-pellier reçoit un thresor tres-utile;  
 Par le suc rubicond d'un vermeux excrement,  
 Qui sous sa feuille croist fort copieusement:  
 Dont l'ouurier Gobelin d'une richesse exquise  
 Colore de ses draps l'estoffe plus requise  
 Dont le Pharmacien docte & soigneux d'auoir

Remede

Remede tres-exquis, faiet par luy seul renouir  
 Le iour à ceux qui pres de l'Orque impitoyable  
 Voloient passer du Styx la rive non guéable

14. Toy taneur arbrisseau, dont le rougissant fruiet  
 Aigre-doux fait en grappe, attrayant appetit  
 Es cuisines gardé; graine delicieuse  
 Qui la viande au goust nous rends tres-sauoureuse  
 Sur le tablier de lin où se void ordonné  
 L'appareil sumptueux du matinal disné.

15. Je reuere sur tous cest arbre chasse-guerre  
 Donne-paix, tousiours-verd, dont la fertile terre  
 De Provence fournit la France de liqueur,  
 Que son fruiet sauoureux nous rend, quand il est meur.

16. Toy qui vas honorant d'un beau verd qui recree  
 Les coustaux où se void la fontaine sacree  
 Du roc Passe-lourdin, & qui portes le nom  
 Du pays, où tu prens ton Cyprien renom:  
 Bien qu'en diuers endroits ta tousiours verte plante  
 Sans culture se void abondamment naissante:  
 Pourtant le grand thresor que ta feuille nous rend  
 Faiet qu'à te cultiuer un grand plaisir se prend:  
 Non pas en ce pays, où ta feuille peu veüe  
 En ses rares effets n'est encores cognüe  
 Ains en toute l'Asie, & aux terres qui sont  
 A l'infidelle Tarc, où les Dames se font  
 De ta feuille seichee une double merueille,



Qui teint en couleur iaune & en couleur vermeille;  
Et leurs pieds, & leurs mains, & leurs beaux cheveux longs.  
Qui leur pendent du chef iusques sur les talons.  
Mon cher Passe-lourdin dont pointe auoisine  
La voûte au fonds d'Azur de la ronde machine;  
Honneur du font sacré, où le neuuain troupeau  
Avec son Apollon va souuent boire l'eau  
Iallissante en ton rond, où la sage nature  
A si bien compassé par l'art de sa facture,  
Que l'artiste parfaict d'un labeur plus qu'humain  
Ne peut mieux agencer de son ouuriere main,  
Le caué-rond-pourpris, du lict ou se repose  
La cristaline humeur de l'eau de Menemose.

O Dieu combien de fois sur le plus chaud du iour  
Poussé d'un saint desir ay-ie dançé autour  
De ton vase creusé! où Phœbus le dieu mesme  
Pere du Saint troupeau venoit faire de mesme,  
M'encourageant (disoit) ie veux de ce saint lieu  
Estre le protecteur; partant croy, qu'en tout lieu  
Je feray retentir le los de la fontaine  
Du perilleux rocher, de la source Hippocrene:  
Et d'ailleurs, ie feray que toutes nations  
Viendront pour t'admirer, & de tes clairs bouillons  
Aualer largement; car à ceux la, ie donne  
De ma chere Daphné l'immortelle corenne;  
Et à toy (comme estant de mes enfans chers)

Je veux car il me plaist (à ce qu'aucun esprit  
Ne soit encontre toy de folle ialousie)  
Que tu chante tousiours en belle poésie  
Ce lieu tant renommé, & oultre plus j'entends,  
Car ainsi ie le veux ainsi ie le consents;  
C'est mon sacré vouloir; que ton nom pour ma gloire  
Soit gravé sur le front du temple de Memoire.  
Qu'un fluide Nectar arrose incessamment  
Tes vers qui couleront apres plus doucement,  
Que tu chante l'honneur des plantes les plus belles,  
Que la terre produict dans les saisons nouvelles  
Du Printemps, de l'Esté, de l'Autonne & l'Hyuer  
Que vous voyez ça bas suite à suite arriuer:  
Et oultre plus ie veux, il me plaist ie l'ordonne,  
Que de ton Cabinet la beauté tu fredonne,  
Que tu chante tantost sur ton creux Luth voûté  
Ton Jardin; puis apres ton Cabinet vanté.

Ileust dit: & soudain luy mesme me presente  
A la neuuaine trouppes en ce beau lieu gisante  
Puis dançant un ballet au tour du font sacré,  
Chascun de ça de la s'est à part retiré;

Où me trouuant tout seul admiré ie me pisme  
Ravi, & tout soudain rempli d'Enthousiasme,  
Et de sainte fureur heureusement esprit  
Feurent en mesme temps mes sens & mes espritz:  
Si bien que peu à peu reuenant en moy mesme;



*Je sentis dedans moy un desir tres-extrême,  
De chanter à iamais un Iardin Printanier  
Qui florist & l'Esté & l'Autonne & l'Hyuer:  
Sy que despuis ce temps i'ay tousiours eu enuie  
De chanter un Iardin en Françoisse Poësie,  
Non un simple Iardin ains les amas diuers  
Des plus rares beautez qui soient en l'univers.*

*Pere aux iours esclairantz toy grand filz de Latonne  
Qui sur ce globe rond tout & par tout rayonne,  
Qui premier as donné par ton docte Sçauoir  
Le moyen trescertain de cognoistre, & sçauoir,  
Des herbes les vertus, & qui as faict en somme  
Un abregé de biens pour rendre immortel l'homme;  
Homme indigne des biens que ta grande bonté  
A voulu departir, à son humanité;  
Ingrate humanité; car sa mesconnoissance  
Ne meritoit d'auoir d'un tel bien iouissance,  
Ains au lieu de trouuer quelque soulagement  
Au mal dont il se sent si continuellement  
Tormenté, il deuroit au grief mal qui le tuë  
Ne boire que les sucz d'Hyosciamé & de Ciguë,  
Des mortels Aconits des Pauots Letheans  
Confits dans la liqueur non des sucz Hybleans,  
Non dans les sucz tirez des roseaux des Maderes,  
Ains dedans les venins d'Aspics & de viperes,  
Jusqu'à-ce que son cœur plus dur que n'est l'Acier*

Enuers son Createur se vient mollifier;  
Pour congnoistre les biens que la toute-puissance  
Luy donne largement du iour de sa naissance.

Donc pere ameine-iours engrosse mes EspritZ,  
Qu'ilz enfantent des vers dont les nombreux esprits  
Puisent à tousiours-mais pour eternelle gloire  
De ton nom, prendre place au temple de Memoire,  
Que sainctement poussez sur l'aile des Zephirs  
Ilz soyent trouuez porteurs de mes plus saintz desirs.

17. Je t'admire arbrisseau, dont le fruct de la fraise  
Ressemble, ou du Platan ou bien de la framboise:  
Beau, digne d'estre veu, qui decore les bois  
Taillis marescageux des sables Olonnois,  
Qui beau qui tousiours verd enrichis un Dedale,  
Le plus rare qui soit en la maison Ducale,  
Du Romain Tyuoli; dedans lequel un iour  
(Donnant à mon Esprit quelque heure de sesiour)  
Je voulus essayer de parfaire sans crainte  
Le tour enserpenté de son verd labyrinthe;  
Et les chemins diuers suiure si dextrement  
Que i'en pusse sortir à mon contentement:  
Mais il n'y eust moyen, combien que ce par-terre  
Ne contenoit point plus de trente pas de terre;  
Ains à volte & à bond desrompant & gastant  
L'esgalle liaison, dispos i'alois sautant  
Par dessus sa haulteur: Car la peur palissante



Rendit mon cœur panthois & mon ame tremblante,  
 Non de crainte que ieus de rien pouuoir sortir,  
 Ains de peur d'y trouuer vn trop tard repentir;  
 Si du fier iardinier la sourcilleuse mine  
 Meust rencontré faisant vne telle ruyne.

18. Vien porte-rose-verd approche Delien  
 Stygienne poison pour l'Asne & pour le Chien;  
 Pour beaucoup d'animaux venin par trop contraire,  
 Et à l'homme tout seul remede salutaire;  
 Quand mors du fier serpent, craintif te va querir:  
 Pour vn remede utile & prompt à le guerir  
 Du venin, qui desia dans ses veines tremblantes  
 A mortel congelé ses chaleurs violentes:  
 Qui du Madaurien en Asne transformé  
 De ta fleur as deceu le sçauoir consommé.  
 Lors qu'il te pensoit estre vne vermeille Rose,  
 Qui deuoit mettre fin à sa metamorphose;  
 Pource que par le Ciel il estoit arresté  
 Qu'il prendroit par la Rose encore sa beauté,  
 Mais luy qui n'ignoroit en sa figure Asniere  
 Chose qui luy peust nuire, il se retire arriere,  
 De crainte de goustier vn si funeste appas  
 Qui au lieu de sa vie aduançast son trespas,  
 Esperant par le temps auoir autre ouuerture  
 De trouuer guarison en sa triste aduerture.

19. Arbre à Venus sacré qui des l'Aube du iour

*Iusques à l'Occident, ne chantes que d'Amour,  
 Conuoque ce troupeau; que ta plante amoureuse  
 Aymee de Cypris Deesse gratieuse  
 Commande à ce ballet, fay qu'aujourd'huy tu sois  
 L'honneur des montz, des prez, des valons, & des bois:  
 Qu'aujourd'huy tu sois ven assisté de la sorte,  
 Que chasque feuille & fleur reuerence te porte:  
 Et que du beau Printemps les estrangeres fleurs  
 Soient conduites par toy au comble des honneurs.*

20. *Bon iour, belles, bon iour, Dieu vous gard chere trouppe,  
 Qui le printemps aymé nous amaines en croupe,  
 Qui malgré les Autans ne laissez de paroïr,  
 Qui dans les froids glaçons faictes qu'on vous peut voir  
 Touttes couuertes d'or; vous soyeZ bien venuës,  
 Comme aussi celles la qui de vous sont tenuës,  
 Et qui vont ressemblant vos feuilles & vos fleurs,  
 Vostre vertu puissante & vos vives couleurs.*

21. *Sois aussi de la trouppe, ô toy qui as la feuille  
 Et qui portes le nom de la mouuante oreille  
 Du ieusneur animal, qui de deux fois sept iours  
 D'un sommeil Morphean vas terminant le cours  
 Dans ta grotte escartee, animal foible veüe  
 Sur l'eschine duquel la personne esperdue  
 N'a pas si tost monté que la tremblante peur  
 Ne soit au mesme instant banie de son cueur;  
 Ne cache tes beautez tes beautez nompareilles.*



Car les monts tousiours verds n'en font voir de plus belles  
 Helas ! combien de fois passant les monts toffus  
 Des costaux Sauoyards , & des tertres bossus,  
 Des vallons resonnants, ay-je par grand' largesse  
 Recueilli le plus beau de ta plaisante tresse  
 Cueilli, non pas cueilli ; car en ta quantité  
 Diuerse, mon esprit estoit precipité:  
 Si que ne pouuant pas pour la grande distance  
 Les pouuoir transporter e< lieux de ma naissance,  
 Forcené de despit de voir tant de beaute<  
 Et d'estoc, & de taille és lieux precipitez,  
 Je rompois, ie brisois, or la ianne, or la blanche,  
 Ores la purpuree, & mon estoc qui tranche  
 Faisoit de tous costez vn carnage piteux  
 Des plantes qu'auionrdhuy desirent tant mes yeux,  
 Et conduit par ma main espanchoit à merueilles  
 Or de ça or de là ces Vrsines oreilles.  
 Fay donc que l'on te voye, afin qu'en sa saison  
 Chasque chose soit ditte ensuiure la raison.  
 „ Car tout doibt icy bas l'un apres l'autre viure,  
 „ Le Printemps doibt l'Hyuer, l'Autonne l'Esté suiure,  
 „ L'Esté suit le Pintemps, l'Hyuer l'Autonne suit,  
 „ La nuict suit le clair iour, le iour l'obscur nuict.  
 22. Et toy celeste fleur toutte mignardelette,  
 Toy printaniere fleur, flairante Viollette,  
 Symbole des amours ah ! ie voy que tu veux

De l'esmailla

De l'esmaillé iardin anneler les cheueux,  
De ta celeste fleur, dont la beauté i'admire,  
Je baise autant de fois que Flore son Zephire.  
Car tant de doux baisers dans mes membres mi-morts  
Font rentrer la santé qui en estoit dehors.

23. Toy jaune chef penchant qui ne crains la froidure  
Du venteux Scythien, dont la verte cœffeur  
Apparoist au milieu de tant de froid & glaçons,  
Et monstre son poil d'or dans les laineux flocons  
D'un par-terre blanchi: Suy toy qui de toy mesme

24. Te rendis amoureux, dont en fin la mort blesme  
Mit fin à tes amours: monstre nous ton plus beau,  
Et de grace sois chef du trois-fois dix troupeau,  
Que porte ton beau nom, dont les fleurs blanchissantes,  
Des jaunes de beaucoup ne sont pas différentes.

25. Et toy Amyclean qui jeune & tendrelet  
Ne sceus onq' preuenir la cheute du pallet,  
Quand le grand Cynthien dans le champ de Mercure  
Perçoit presque les Cieux de mainte pierre dure:  
Sérene toy le front, & te plains qu'à grand tort  
Le doux Zephire & luy aduancerent ta mort.  
Las ! pauvre tu mourus en l'Auril de ton aage,  
Rendant au noir Pluton ton ame pour hommage:  
Car le Disque eslançé du hault d'Olimpe en bas  
Tombant dessus ton chef, te donna le trespas:  
Dont les ondes de sang à flots-flots decoulantes



Firent germer soudain mille fleurs excellentes;  
 Qui retiennent ton nom, de qui le pouuoir beau  
 Ne se void en vigueur qu'au doux Printemps nouueau  
 L'idolatre en ta fleur la couleur azurée,  
 Et ton pers, & ton blanc, ta grace désirée,  
 Et de celles encor, qui diuerses ont pris,  
 Par leur forme & couleur, ton nom desir haut prix.

26 Printaniere beauté dont la feuille ternaire  
 Du trois fois tout-puissant nous sert de formulaire;  
 Indiuuë en soy des sa natiuité,  
 Pour ce subject nommée herbe à la Trinité,  
 Hardie monstre toy, & de ta beauté rare  
 Aux esprits curieux en rien ne sois auare.

Honneur des bois touffus des Constaux Sauoiards,  
 Que i'ay veu maintes-fois garny de toutes pars;  
 Quand un libre vouloir m'enfloit d'aller voir Romme,  
 Rome de l'univers le chef (tout ainsi comme  
 Sur les pointus buissons s'esleue le Cypres:)  
 Ainsi ce beau desir qui me poussoit de pres  
 D'aller voir le plus beau qui soit en ce grand monde,  
 Me faisoit trauerser or la terre, ores l'onde.  
 Nonobstant mon esprit desireux de pouuoir  
 Des simples rencontrer tous les plus beaux à voir:  
 Or de ça or de là soubs le fais de ma charge  
 Je regardois tantost, or dans un autre large,  
 Or sur un tertre verd, ores dans un buisson;

Or en une campagne, or dans une cloison,  
Que nature a basti, ores dans un lieu sombre  
Où i jamais le Soleil n'a faict paroistre d'ombre;  
Or en un creux vallon, ores dans un rocher,  
Or en un lieu affreux d'où n'osois approcher:  
Je voyois mille fleurs, mille fleurs que nature  
Riche faict pour orner les traicts de sa facture.

Car tantost d'un costé la printaniere fleur  
De l'herbe Trinitaire à la blanche couleur,  
Paroissoit à mes yeux; Et tantost l'azurée,  
Tantost celle qui a la fleur rouge pourprée:  
Si que de tous costés ie ne pouuois rien voir,  
Que plantes dont les fleurs estoient belles à voir:  
Dont ie faisois recueil afin que ma ieunesse  
Donnast un iour plaisir à ma blanche vieillesse,  
Si le vouloir de Dieu permettoit à mes iours  
Par sa sainte bonté de prolonger leur cours:  
Recueil qui du depuis a pris telle croissance,  
Qu'il se void auioird'huy comme par excellence,  
Des plus doctes esprits que la France produit,  
Dont des simples diuers la cognoissance duit.

27 Mais quelles celles-cy dont les couleurs diuerses,  
Riches de cent beautez, des magnifiques Perles  
Nous font voir les Turbans? dont les fronts affêtez  
Monstrent ie ne sçay quoy remply de maïestez  
Ca, ça monstreZ vous donc haussés vos riches crestes



*Et nous faictes paroïr les beautez de vos testes.  
Car on admire en vous mille belles couleurs,  
Brillantes à l'envy dans le iour de vos fleurs.*

*Fleurs au nombre infini, qui belles & aymables  
Remplissés mon iardin de couleurs variables,  
Fleurs dignes d'enrichir d'un invincible Roy  
Les iardins somptueux, apres qu'un desarroy  
D'un peuple mutiné sous, quelque faux pretexte,  
A voulu de son Roy descouronner la teste,  
Qui se voyant vainqueur paisible en ses Estats  
Recherche les moyens, hors des sanglants combats  
Le plus souvent qu'il peut d'une ame curieuse,  
Le plaisir d'admirer de l'Inde precieuse  
Les simples non encor dans nos iardins venus,  
Et ceux qui ne sont pas du vulgaire connus,  
Ains des chers nourissons du divin d'Epidaure  
Pidoux, la Van, Milon, le Coq, Citoys encore,  
Et Rabaut, & Rafou, Demayré que mes vers  
Veulent faire voler, par ce vaste univers.*

*Et donques mon Phœbus, Phœbus au clair visage  
Pour les chanter tous huit enfle moy le courage?  
Pousse des doigts ma Lire ô Delien sonneur  
Inspire en mon esprit une sainte fureur?  
Que ce docte Pidoux, ce Phœnix de la France  
Brille comme un Soleil sur ma douce cadence;  
Que l'amas glorieux du docte, & grand sçavoir*

Qui l'a faict icy bas comme un miracle voir,  
Le fasse avec l'amas de tout l'honneur du monde  
Triompher eternal sous la Cambrure ronde:  
Grand d'Esprit, grand de corps, d'honneur, & de moyens,  
De vertus, & de nom, parmy ses citoyens.  
La Van suiuit apres dont la teste chenüe  
Releuoit son sçauoir sur la plus haute nüe  
Du manoir Ætheré, promettant que tousiours  
D'honneur & de moyens s'emperleroient ses iours  
De faict, l'heureux destin qui borna sa carriere,  
Ne le cognust iamais sans ceste grand lumiere,  
Ains l'an Climacteric de son cours glorieux  
Auecques luy le fit nouveau bourgeois des cieux;  
Bourgeois vrayement diuin, qui dans le ciel de gloire  
Va, mort eternisant pour iamais sa memoire.  
Car il nous faut mourir, & tout ce qui est né,  
Par l'ordre de nature est à mort ordonné,  
Mais voicy ce Milon ornement de la terre  
Qui tient les beaux secrets de tout ce grand par-terre,  
Et qui docte, & expert, eslance industrieux  
Son nom comme immortel plein de gloire en tous lieux.  
Et toy Coq qui volant depuis l'Est iusqu'au Gange  
Fais entendre à bon droict le bruiet de ta loüange:  
Ie te saluë heureux, ie te saluë encor,  
Simpliste sans esgal, grand Chiron, grand Nestor,  
Qui sçays tout, qui fais tout, & qui laisse derriere



Tous ceux qui avec toy suivent mesme carriere.  
 Refueille mes esprits de ton chant gracieux  
 Et distille en mon cœur ton sçavoir curieux,  
 Afin qu'avec ce bien la crainte me deliure  
 Du soucy qui me poingt de faire voir mon liure,  
 Enfanté saintement sur le saint Helicon,  
 Qu'a logé dans mon cœur ta sçauante leçon.

Et toy mon cher Citoys, dont la docte ieunesse  
 Promet mille Printemps, à ta blanche vieillesse,  
 Qui de tes raiz feconds, comme un Soleil naissant,  
 L'ignorance & l'erreur loing de toy vas chassant,  
 Asseurant au futur qu'a l'esgal de ton aage,  
 Croistra ton bel esprit, ton los, & ton courage;  
 Permits que ie te chante, & que dans l'univers  
 I'enuoye ton renom sur l'aile de mes vers.

Mais quels astres nouveaux brillonnent sur ma Lyre?  
 Quelle voix d'Apollon me ravit & attire?  
 Trois ieunes Medecins honneur de l'Uniuers,  
 Reluiront maintenant dans le champ de mes vers:  
 Ce sont Rabaut, Rasou, & Dcmayré encore  
 Qui comme un bel Ocillet (l'honneur du sein de Flore)  
 Enuoyent dans ce Tout, par un alme pouuoir,  
 L'odeur de leurs vertus & de leur grand sçauoir;  
 Et en despit de l'aage enseignent la structure  
 Des plus rares secrets de toute la Nature;  
 Ne trouuant rien ça bas si hautement escrit,

Qui ne soit trop facile à leur diuin esprit.

Quand à toy mon Robin, que cherement i'honnore,

Amy, seul instrument qui fais que ma Muse, ore

S'esueille avant le temps : amy de qui ie tiens

Tant de sortes de fleurs ; prens comme d'un des tiens

En gré ces foibles Vers : non pas qu'en eux ie chante

Ce que doit meriter ta vertu renaissante :

Ains pour gages d'un cœur, du tout voüé pour toy,

Et qui mesme est plus tien qu'il ne peut estre à soy.

Herboriste fameux du plus puissant Monarque

Qui ait oncques passé la Charontide Barque,

Autre AnaZerbéen d'un chascun estimé,

Comme estant d'Apollon le fils le plus aymé,

Supplee à mon deffaut Robin ? fay que ma Muse

En un si beau chemin à chanter ne refuse

Les plus rares beautéz, que le Ciel nous fait voir,

Dessous son clair manteau du matin iusqu'au soir.

Car toutes les couleurs qui dans la mer se voyent,

Qui dans l'air, dans la terre, & aux Cieux se d'esploient,

Dans le nombre infini de ses superbes fleurs,

De ce vaste Vniuers se voyent les couleurs.

Tairay-ie mon Veyrel, que i'ayme & que i'honore

Tout autant que Zephir scauroit aymer sa Flore,

Qui saintement poussé m'a d'un don gratuit

Donné tout ce qui plus de cher & rare luit

Dedans mon Cabinet, m'ayant (chose incroyable)



Faict des presans qui sont de prix inestimable  
 Veyrel croy que ton nom, en memoire sera,  
 Et qu'a Xainctes tousiours ton renom florira.

28 Quelle est ceste beauté folatrement superbe,  
 Qui d'un pied glorieux foule la plus basse herbe;  
 Fachée de se voir, en ses riches habits,  
 Compagne d'aurotons trop foibles & petits?  
 Mais quel est son beau nom? sa maiesté Royale  
 Me semble le Lalé Coronne Imperiale.  
 Coronne qui iadis as le peuple François  
 Conduit douze cens ans sous tes Saliques Loix;  
 Ores qu'un temps brouillé faict que morte on te pense,  
 La France & les François tombent en decadence,  
 Mais l'un & l'autre prend auioird'huy sa verdeur,  
 Son Pourpre son AZur, son Or, & sa Candeur.  
 Car Iupin qui soustient de sa dextre diuine,  
 Avec le ciel cambré ceste basse machine;  
 Ennuyé de nous voir au comble des malheurs  
 Par ceste heureuse fleur rend arides nos pleurs;  
 Calme cest Ocean de discordes ciuiles,  
 D'Olive & de Laurier ensemece nos villes,  
 Sterile nos esprits des furieux flambeaux  
 Qui dans nostre pur sang allumoient tant de maux:  
 Et pour le tesmoigner à la race future,  
 De ceste belle fleur nous apprend la culture:  
 Et le Symbole vray qu'il obtient glorieux,

Auecques

*Auecques les François, le cher soucy des Dieux,  
Et du siege honoré où HENRY grand Monarque  
Se sied malgré l'effort du Ciel & de le Parque.*

*Car par ton tige droit ô precieux Lalé  
Nostre Dauphin nous est richement estalé  
Dans ce rond Vniuers, & le suc qui t'anime  
De ses deux Freres chers, du Sceptre de Solime  
Egale la grandeur; Princes qui valeureux  
Promettent qu'ils seront en leurs regnes heureux.*

*Puis l'esclat argentin de ses six perles fines,  
Portera le relief de ses Princes insines  
Condé, Conty, Soyssons, Montpensier, & tous ceux  
Qui du sang des Bourbons ont le nom glorieux:  
Perles qui vont ornant les deux filles de France  
De Thyares futurs par la sainte alliance  
Des Princes estrangers, qui rendront immortels  
Par ce sacré lien nos iours & nos autels:  
Puis ces trois rancs qui font le triple Diademe,  
Sont la France, Nauarre, & l'Empire suprême  
Que la vertu du Roy se promet d'acquérir  
A son aymé Dauphin auant que de mourir.*

*Heureuse France alors quand tu verras ton Prince  
Qui de trois ne fera qu'une seule Prouince  
Triompher glorieux, ayant deessous sa main  
Reduit France, Nauarre, & l'Empire Romain.  
Et la belle saison que renaist ceste plante*



Nous faict voir du Printemps la vigueur renaissante,  
 Nous faict voir & sçauoir que sous le Roy tousiours  
 En paix & union se couleront nos iours:  
 Et que ces riches fleurs malgré les forts orages  
 Produiront des Printemps en tous temps & tous âges:  
 Qu'elles seront tousiours un plaisant souuenir  
 Aux François naturels des siècles à venir.

Et puis ces belles fleurs qui ont leur robe peinte  
 De la riche couleur d'Adon & d'Hyacinthe:  
 Tesmoignent que tousiours la Iustice aura lieu  
 En son habit pourpré l'image de son Dieu:  
 Imployable aux assauts de Dis, & de fortune:  
 Roide contre le choq de l'orageux Neptune:  
 Vasant tres-iustement de ses armes, qui font  
 A l'un baisser le chef, à l'autre hausser le front.

Et ce gros tige rond qui soustient cest ouurage  
 Est la Foy, l'Equité, l'Honneur, & le Courage,  
 La Pieté, l'Amour, l'Innocence, & le Roy,  
 Qui tousiours maintiendront le tout en bon arroy.

He! tairay-ie oublieux? mais laisseray-ie arriere  
 Ces six feuilles qui font ceste fleur toute entiere?  
 Qui font haut resonner par accords tous diuers  
 La Françoisse Couronne en ce vaste uniuers:  
 Desquelles, cinq nous font fuir la couleur blesme  
 Par le ton martial des Herauts d'Angoulesme,  
 De Champaigne, Guyenne, Orleans, d'Alançon

Et qui font retentir par leur deffiant son  
La grandeur, la vertu, la proïesse & vaillance  
D'HENRY quatriesme, Roy de Nauarre & de France.  
Et la sixiesme fueille esleue iusqu'aux Cieux  
La France & les François d'un renom glorieux,  
Puis ces bras longs-pointus dont le verd de la teste  
Esleue contremont, son honneur manifeste,  
Represente les Preux de France; qui tousiours  
Verdiront pour son bien sans limiter leurs iours:  
Ces Preux qui ont poussé iusques dedans l'Asie  
Leur gloire de grandeur & de vertu suiuite,  
Qui ont faict d'autre-fois au Grec & au Latin  
Ressembler les effects de leur puissante main;  
Princes, Pairs, Ducs sans per indontables gendarmes  
Braues & genereux, enfans aïsnez des armes:  
Quoy l'oignon qui produit ceste diuine fleur,  
Qui n'a ça bas d'esgalle en lustre & en valeur  
Restera-il? nenny: ains sa forme Spherique  
Nous representera avec la loy Salique  
La Françoisse Couronne, & nostre France encor,  
Graue, riche, abondante en peuples & en or,  
Communicable à nul qu'aux Princes qui en France  
Du sacré sang des Roys honorent leur naissance,  
Celeste, indiuisible, ayant comme les Cieux  
La forme & la grandeur d'un contour spacieux:  
Un grand Roy pour Soleil, une Royne pour Lune;



Des peuples pour flambeaux (hostes de la nuit brune)  
Et pour ses Poles clairs deux beaux Sceptres qui ont  
L'espoir de l'Vniuers engraué sur le front.

Puis de ce rare oignon trois tendres pellicules  
Naissent, qui sont sans nœuds, sans ride, & sans macule;  
Des François genereux figurent sans debat  
L'Eglise, la Noblesse, avec le tiers Estat;  
Eglise tres-chrestienne, Orthodoxe, & diuine,  
Noblesse braue, adextre, inuincible, & benine;  
Estat incomparable auquel l'Antique nom  
Du Latin policé quitte son beau renom;  
A qui tout l'Vniuers cede de bien-ueillance  
Comme au fils mieux aymé de la toute puissance:  
Estat qui entretiens des Princes & des Roys  
Les Edicts trompetez des plus seueres loix.

Et ce qui rend encor ceste racine belle,  
C'est la iuste rondeur que nous voions en elle;  
Car rien n'est plus aymé au monde que le rond;  
Les Poëtes par honneur se ghuirlandent le front  
De tortis Delphiens; le Printemps se Coronne  
De fleurs; Ceres d'espis; & de grappes l'Autonne:  
Le Ciel est tousiours rond; la mer semble par tout  
Estre ronde; & la terre est en tout & sur tout  
Ronde, & le blond Phœbus lors que clair il rayonne  
Semble auoir sur son chef une ronde Coronne  
D'or fin resplandissant; & la Lune à nos yeux

Nous faict voir sur son rond un tortis precieux  
De diuerſes couleurs, qui ſon chef enuironne  
(Signe de ſa grandeur) d'une riche Coronne.  
Les eſtoilles d'enhaut brillantes de leurs feux  
Lançant des rayz tous ronds à nos clairs-voyans yeux;  
Le front, & les ſourcils, les yeux, & les oreilles,  
La bouche, le menton, & les ioïes vermeilles,  
Les Cypriens tetons rehauffez contremont,  
Le ventre rebondy ont la forme d'un rond;  
Et ce que ie ne veux nommer d'où ſort le monde  
D'un & d'autre coſté a la forme my-ronde.  
Bref rien n'eſt trouué beau ça bas ſ'il n'a du rond,  
Et ceux qui du Seigneur les commandemens font  
Ont l'ame toute ronde: & bref en la nature  
Tout doit auoir du rond quelque forme ou figure  
Ie te ſalue donc beau ſimple precieux  
Coronne imperialle amie de ces lieux,  
Qui as quitté pour nous le haut throne du Mede,  
Du Perſan, de l'Ebreu, du Baſtre, du Suede,  
Des Grecs, & des Romains, & des peuples qui ont  
Vers la Syrthe d'Amon tourné le ridé front;  
Puiſſe-tu pour iamais ô Symbole agreable,  
Tenir & figurer noſtre Eſtat venerable,  
Puiſſant & unanime avec telle vigueur  
Qu'il ait touſiours ton verd, ta force & ta couleur,  
Et que malgré les ans ſa gloire preſque morte



A la gloire de Dieu se donne & se raporte.

Mais d'où vient ceste-cy? mais quelle nouveauté  
L'incite de venir nous monstrez sa beauté?

Quel postillon, d'Aeole, hé quelle mer flottante  
Pousse iusqu'à nos yeux une si rare plante?

Quelle enuye t'a pris de passer tant de mers  
Pour te faire cognoistre aux peuples estrangers?

Te mettre à la mercy des ondes bleües-perses,  
Quitter de ton Sophy les prouinces diuerses:

Ha! belle ie t'excuse, & t'excusant, ie dis  
Que la beauté t'a faict delaisser ton pays;

„ Car tout ce qui est beau soubz la machine ronde

„ Ne naissant qu'en un lieu se doit à tout le Monde

„ Libre communiquer, que si l'on laissoit l'or

„ Les riches diamants & les rubis encor

„ Dedans le centre creux des entrailles du monde:

„ L'on ne verroit point tant de vaisseaux dessus l'onde

„ Tant de voiles au vent, tant d'hommes qui tousiours

„ Sur l'ondoyante mer exposent leurs beaux iours:

„ On ne rechercheroit, l'Asie ny l'Afrique,

„ Ny la féconde Europe, encor moins l'Amerique;

„ Car tout cela qui naist en un lieu de plus beau

„ Viuant, ne le voyant nous seroit un Tombeau:

„ Et comme tout ce Tout ne produiet toutes choses

„ Qu'en un mesme climat nous ne voyons encloses

„ Tout ce que l'Vniuers contient en sa grandeur:

„ L'Eternel qui tousiours desire sa faueur  
„ Aux hommes departir, donne aux vns la cheuancè  
„ De l'or & de l'argent, aux autres l'abondance  
„ Des froments & des vins: & en d'autres climas  
„ Ne donne rien que neige & que glace & frimats:  
„ Aux autres des parfums, des bois chers, des espices,  
„ Des sucres, & des fruiçts exquis pleins de delices,  
„ Des peaux pour les couvrir, des huiles des poissons,  
„ De la cire, & du miel: bref du grand Dieu les dons  
„ En tous temps & tous lieux sont tousiours admirables,  
„ Et en toutes saisons de bon cœur receuables:  
„ Car Dieu ne donne rien aux hommes d'icy bas  
„ Qui ne soit pour leur bien & salubre repas.

Je te reuere donc ô des belles, la belle,  
Qui pour nous venir voir ta maison paternelle  
As librement quitté, croy belle qu'au plus beau  
Et lieu plus eminent de mon Iardin nouueau  
Je te donneray place, & pres de la Coronne  
Des à present ie veux que place l'on te donne.

29. Et l'autre qui te suit de son pas mesuré:  
Semble seule embellir ce Iardin aZuré:  
Semble seule effacer de sa riche apparence,  
Tout ce qui naist autour de sa chere presence:  
Semble seule effacer les plus riches beautez  
Des simples tout autour de mon Iardin planteZ  
Tout ainsi que Phœbus des raiz de sa lumiere,



Efface la clarté de la brune courriere  
 Premiere de son rang du par-terre l'honneur,  
 Du doux-flairant Iardin, dont l'estrangere fleur  
 Semble le bras François rouge du feu carnage  
 Du sang concitoien, lors que remply de rage  
 Abandonnant son Prince & delaisant sa Foy  
 Il se rendit subiect d'une estrangere Loy;  
 Pour chetif demeurer tout le temps de sa vie  
 Esclau soubz le ioug du Roy de Cantabrie  
 C'est l'unique beauté, c'est ceste unique fleur  
 Dite le beau d'un iour, qui parfaicte en couleur  
 Merite que l'on fasse en sa loüange un Hymne  
 Qui trompette son nom de Calix à la Chine.

30 Et toy grosse d'honneur, richesse d'un bouquet,  
 Dont la racine porte un merueilleux effet  
 A ceux qui trauaillez d'une incurable peine  
 Tombent du mal, duquel le vaillant filz d'Alcmene  
 Fut jadis surmonté: toy belle dont la fleur  
 Simple & double se void, dont la viue couleur  
 Semble un glaive vainqueur qui sort de la bataille,  
 Apres auoir donné & d'estoc & de taille  
 Un milion de coups; sans qu'un seul ait trouué  
 Lieu qui peut resister au tranchant esprouué.  
 Ouure ton rouge sein? que ta fleur pauotée,  
 Parée richement ne soit point deiettée;  
 Et ne fais point refus de faire voir ton beau

Soubz

Sous le brillant aspect du journalier flambeau.

31. Et toy blanche sa sœur dont les beautés exquisés  
Ne sont moindres d'honneur n'y de vertus requises  
Tres-rare en tes effectz; & qui n'as point encor  
Faict voir en ce Jardin ton florissant thresor.  
Thresor qui ne vaut moins que la riche abondance  
Du Lydien Pactol, de Cræsus la cheuance.  
Car j'ayme mieux ta fleur, lors qu'elle est de saison  
Que du Thessalien la Colchique toison.

Mais qu'elles celles-cy? dont les pas lents & graues,  
Superbes au marcher rendent mes sens esclaves  
De leurs perfections? & dont les riches fleurs  
Me font voir en un bloc mille belles couleurs?  
Ca ça ie vous cognoy, ça ça venés mignardess  
Receuez de bon cœur ces caresses gaillardes,  
Tell's que vos beautés meritent: Car sans vous.  
Nous n'aurions rien de beau, nous n'aurions rien de doux  
Venez premierement vous riche à larges feuilles,  
Dont la verdure fleur double de mille feuilles,  
Tachetée du ins du Pourpre precieux:  
Qui i d's coloroit de nos Roys demi-Dieux,  
Les habits triomphans: Toy double Coccinée,  
Qui portes la couleur du teint de la Mer-née  
Toute mignardelette; & toy blanche ou és tu?  
Vien vien, approche toy, desploie ta vertu,  
Ores que l'escadron de ta bande gaillarde



Se serene le front comme pour l'auant-garde,  
A tant de raretez, qui te suivent de pres,  
Comme sur les buissons s'esleuent les Cypres.

Toy iaune, toy celeste, & toy belle azurée,  
Et toy estroitte feuille, à la fleur empourprée;  
Marche en rang, ne crains point : car certes tu auras  
De l'honneur, quand au nom de toutes tu diras.  
Pour contenter vos yeux; pour resjouir vos ames,  
Pour orner les bouquets des plus accortes Dames;  
Ce grand (Disie premier) qui nous a descouuers,  
Et qui pour nous trouuer de ce grand Vniuers  
A faict presque le tour, nous aiant de Bisance:  
D'Espagne & Portugal prises des nostre enfance,  
Pour esclaves nous voir reuerdir chacun an.  
Du Printemps desiré, dans le flandrois Leidan:  
Honneur qui ne reçoit sous ceste riche voûte,  
Pris qui puisse egaller ceste richesse toute.  
C'est ce grand de Lecluse, à qui nostre pouuoir  
A esté descouvert comme bien pouuez voir  
En tant de ses labeurs; dont la docte science  
A faict que tout le monde en ait eu cognoissance  
Car non content d'auoir de nous tout le plaisir  
Qu'il pouuoit souhaitter d'un louable desir,  
Premier nous fit parroistre aux Iardins des grands Princes,  
Et depuis transporter en cent mille Prouinces:  
De sorte que chascun ores desire auoir,

Le bien tant seulement que de nous pouvoir voir.  
Attendant qu'un Hymen d'une bonne semence  
Face multiplier le rare en abondance;  
Et de ce doux Hymen, de ce Nopcier heureux,  
Le mesme de Lecluse à ceux qu'il ayme mieux,  
Non chiche a departy par tous les coins de France,  
Les enfans procreez de si rare semence:  
Aux lieux à tout le moins, qui pour leur grand sçavoir,  
Ont tous seuls merité le bien de nous auoir:  
Et nous faisant passer par incertaine voye,  
Al'hasard à Poictiers, en paquets nous enuoye  
A ce grand Coq fameux l'honneur de nostre temps.  
Ce Coq qui reuerdit comme l'herbe au Printemps;  
Ce Coq qui fust de nous l'aueu-coureur fidelle,  
Tout ainsi que le Coq, dont la ba-batante aïlle  
Nous presagist l'honneur de l'Orizon vouté,  
Lors que son chant nous faict certains de sa clarté.  
Ainsi ce docte Coq, de qui la renommée  
En Flandre en Allemagne, en Itale est semée;  
Or chery dans Poictiers, Epidaure Gaulois,  
Premier nous a receus du bas pays Flandrois;  
Estant digne d'auoir de nous la cognoissance  
Et le bien de iouyr de si chere cheuance.  
Qui ioieux nous receut, & cogneut estre aymé,  
De ce grand Clusius en ce monde estimé;  
Et en faueur de luy nous loge & nous retire,



Et d'un parfaict amour le Printemps il desire,  
 Pour voir nos riches fleurs, pour s'egaier en nous  
 Et dans l'amer du temps recepuoir un temps doux.

Je d'escrirois icy les diuerses especes  
 De ces plantes qui ont des couleurs si diuerses,  
 Mais la nature à qui plaist la varieté  
 Operante tousiours n'a iamais limité  
 Ses effects merueilleux: ains tousiours elle opere  
 Par accidens diuers tant elle est sage mere.

Car premier que le soing rongeard & curieux.  
 Des simples estrangers eust dessilé nos yeux,  
 Eust d'un fecond amas des beautez de ce monde  
 Faict voir qu'il n'y a rien en l'air, feu, terre, & l'onde,  
 De plus rare & plus beau que les varietez,  
 Des simples que l'on void venir de tous costés;  
 Nous n'auions rien de beau, & pour toutes nos plantes  
 La Mandragore estoit des plus resplandissantes;  
 L'Angelique tenoit une place de prix;  
 L'Imperatoire aussi un autre rang exquis;  
 Le Doronic Romain, le Napel mortifere,  
 Le Raisin de Renard & le tuë Panthere,  
 L'Asphodel, l'Asarum, le Lychnis rouge & blanc.  
 Et ce qui paroissoit de plus rare & plus franc,  
 Et qui auoit en soy une marque plus noble,  
 C'estoit nostre Adonis fleur de Constantinoble  
 Bref nous auions fort peu & ce peu toutesfois

Comme *Aymant* a tiré ( *Lecteur* ) ce que tu vois  
De rare & merueilleux , ce qu'aujourd'huy les Princes,  
Ce que les Magistrats , que les chefs des Prouinces  
Que le vulgaire mesme avec vn si grand soing  
Enuoye rechercher & de pres & de loing.  
Car en mes ieunes ans nous n'auions cognoissance  
Que des simples qui sont aujourd'huy par la France.  
Sans estime & sans prix , & nous n'auions encor  
Les Coronnes en main , ny le riche thresor  
Des Indes recouuré , & des Espagnes belles  
Oeillade la beauté des plantes plus nouuelles.  
Nous n'auions de Bizance encore descouuert  
Les Tulipes sans fin , & le Simpliste expert  
En ce temps n'auoit veu plante dont l'excellence  
Meritast qu'on en fist estime par la France.  
Mais ce ver non mourant qui tousiours va croissant  
Qui de iour qui de nuict d'humeur nous va paissant  
Qui entraue nos sens , qui loge dans nos veines  
Mille bouillants desirs , qui de pensees vaines  
Repaist l'Esprit confus , qui faict tracer les monts.  
Et passer à pied sec mille goufres profonds,  
Trauerſer le Peru & des Indes perleuses  
Passer & repasser les voyes perilleuses;  
Qui a faict trauerſer mille mondes nouueaux  
Pour trouuer escartez les simples les plus beaux:  
A tant & tant gagné sur les ames plus belles  
Qu'il leur a faict aymer les plâtes immortelles, E 3



A fin qu'après leur mort ils emportent aux Cieux  
 D'honneur & de vertu ce renom glorieux.  
 C'est à vous Monseigneur c'est à vous que j'adresse  
 Ces petits auortons des filles de Permesse,  
 Qui formez promptement comme une bousle d'eau  
 Seroient plustost plongez que naiz sous le Tombeau,  
 Si de vostre grandeur la bonté coutumiere  
 Comme un Phare brillant ne leur donnoit lumiere,  
 Pour sous le sauf-conduit de son heureux renom  
 Porter de l'Est au Sud de BETHVNE le nom.  
 Nom que pour bien chanter faudroit un Saincte Marthe,  
 Un Ronsard, un Bartas, ou cil qui sur la Sarte  
 Pousse son saint Cothurne, employans curieux  
 Leurs diuines fureurs, pour porter dans les Cieux  
 Ce beau nom qui reçoit la mesme cognoissance  
 Es pays estrangers, qu'au Royaume de France.  
 Pour moy ie ne le puis soit que ie sois tancé  
 Reculé de ma Muse ou par elle auancé:  
 Bien que j'aye senty les poignantes tranchées  
 Qui les femmes saisit auant qu'estre accouchées  
 En composant ces vers: mais quelque iour viendra  
 Qu'a mes vœux Appollon fauorable sera  
 Car maintenant ceux cy enfantez par contraincte  
 Ne sont point inspirez de la fureur tres-saincte:  
 C'est pourquoy l'on dira, que j'ay trop entrepris,  
 D'appendre à vos genoux ces presans de vil pris.

Car pour donner aux grands des presens qui meritent,  
Il les faut bien choisir, & leurs grandeurs incitent  
Chascun à qui mieux mieux: que si les Roys puissants  
Ne recepuoient iamais des dons & des presens,  
Que de ceux qui comme eux portent dedans la dextre,  
Et sur leur chef sacré la Couronne & le Sceptre;  
On ne verroit iamais leurs faicts enregistrez;  
A leurs futurs nepueux ne seroient point montrez  
Leurs actes genereux; & leur vie d'escrite  
Ne seroit comme-elle est si hautement escrite.  
On ne verroit leurs noms immortels comme on void  
Et sur l'aisle du temps leur vertu ne courroit.  
Que si l'Aueugle Grec sur sa Lyre ancienne  
N'eust chanté les progrès de la guerre Troienne,  
Si du vaillant Achille & si d'Aiax encor  
D'Ulysse, Agammnon, de Tydide, & d'Hector,  
Il n'eust dans ses accords tonné la renommée  
Leur grandeur, leur vertu, n'eust esté que fumée.  
„ Les petits font les grands viure par leurs escrits,  
„ Les grands pour leur vertu, honorent les petits.  
Ainsi du Mantoïan la Lyre bien montée  
Sonna du fils d'Anchise, & la force indomptée  
Et les armes de Turne, & montra aux humains  
Mille faits triomphans accomplis par leurs mains.  
Et tant de verds Lauriers moissonnez dans l'Elide  
Et dans le tour sacré du poudreux Olimpide,



Ramperoient sans vigueur atterrez du destin  
Sans les vers graue-doux du grand chantre Thebain

Que si i'ay donc osé trop remply d'hardiesse  
Vous consacrer ces vers sans craindre leur foiblesse;  
Vostre bon naturel, vostre accueil plus qu'humain  
Leur sera s'il vous plaist bon pere & seur Parrain.  
Excusant au parsus ma Muse qui n'aspire  
A autre but sinon qu'à chanter & decrire  
Les fleurs de mon Iardin, & de mon Cabinet  
Les plus rares beautez que mon travail y met.

Iardin & Cabinet de Poictiers les merueilles  
Que ie donne à vos yeux & pousse à vos oreilles,  
Que ie mets en vos mains, & par mesme bon-heur  
Je vous en fais patron ( nostre aymé gouverneur)  
Comme au grand Mecenas dont la faueur benine  
S'acquiert mille vertus sous la ronde Machine.  
A qui tant de Lauriers sur la teste l'on void,  
Tant d'Oliuiers que plus mettre l'on n'en scauroit.  
Et l'estrang<sup>er</sup> qui void qu'une main amiable  
A receu ce present d'un cœur fort agreable,  
Qu'un grand a bien daigné d'un favorable accueil  
Regarder de bon oeil un si foible recueil;  
Comme un Asile seur vous fera recognoistre  
Iusqu'aux lieux ou l'on void Phebus mourir & naistre  
Bien que vostre vertu soit cognue par tout;  
Es que les quatres coings d'un bout à l'autre bout

Ne recognoissent rien plus digne pour la France  
Que vostre œil lyncean remply de providence.

Prenez donc ce present bien que petit, mais tel  
Qu'au iour sonbs vostre nom il peut estre immortel;  
Voire passer hardy la rive d'oubliance,  
Et les pays qui sont de l'Austre, iusqu'en France;  
Et du fleuve Espagnol au beau sable honoré  
Iusqu'au monde où Phœbus naist tout rouge-doré.

Alors du Padoüan les Iardins admirables,  
Alors de Leyden les plantes desirables;  
Alors de Mont-pellier les simples gros d'honneur  
Luy cederont de gré & le feront vainqueur.  
Et les monstres diuers que la mere Nature,  
Par le rond uniuers engendre à l'auenture,  
Recueillis en un bloc de mille & mille lieux:  
Porteront sa grandeur au palais des grands Dieux:  
Et Poictiers qui contient ceste merueille insine  
Ioincte à ses facultez, les Loix, la Medecine,  
Plus que les hauts Palais du grand Laomedon  
En triplera sa gloire & son antique nom.

Muses secourez moy? Permettez que ma plume  
D'un discours plus hautain s'emfle que de costume,  
Qu'effrontement ie puisse (& ce sans palier)  
Dire que Poictiers est autant que Mont-Pellier.

Ie ne veux t'offencer Mont-Pellier ie t'honore  
Comme le lieu sacré du diuin d'Epidaure:



Mais si de mon pays i'estime le seiour,  
Si ie dy qu'on ne void despuis l'aube du iour  
Iusqu'au Soleil couchant ville dont le merite  
Soit plus recommendé, ville qui plus incite  
Les doctes de ce temps, pour trouuer à propos  
Des hommes pour donner à leurs esprits repos,  
Voudrois-tu t'offencer, si pour la medecine  
Après Paris & toy Poictiers est la plus digne?  
Voudrois-tu contre moy qui m'excuse estruier,  
Voudrois-tu pour cela de ton bien me priuier?  
Non, ie m'asseure tant en ta bonté loyalle  
Que tu auras à gré Poictiers pour corriu alle.  
Poictiers qui te reuere & qui te porte honneur,  
Pour autant que chez toy le pere fredonneur  
Faiçt tousiours sa demeure, & où comme en franchise  
Son saint temple a basti le grand pasteur d'Amphryse.  
Mais pense ie te prie, & prens bien garde à toy,  
Qu'il ne se lasse vn iour de demeurer chez toy.  
Ces iours passant icy, il me dit, (ie te iure)  
(De cela scay-ie bien que ie ne suis pariure)  
Ie iure par le Styx par l'Acheron affreux  
Par les sombres manoirs des Enfers tenebreux,  
Si iamais Mont-pellier occasion me donne  
Et si de ma fureur tost il ne me destourne,  
I'effaceray son nom de mes plus saintz cayers  
Et les transporteray chez toy mon cher Poictiers.

Poictiers que ie connoy de ma faueur tres-digne,  
Et qui seul maintenant m'eschauffes la poitrine  
Pour te vouloir du bien. Si donques ce grand Dieu  
Vouloit comme il le peut transporter en ce lieu  
Ce qui aux nations loingtaines & estranges  
Te fait tant admirer, & donner des louanges:  
Qui pourroit l'empescher s'il l'auoit aresté  
Que son decret ne feust encontre toy jetté?  
Les Empires puissantz les grandes Monarchies  
Sentirent de son bras les forces ennemies;  
Alors qu'il transporta le grand Assyrien  
Au Medois, le Medois au Sophy Persien,  
Et le Perse au grand Roy de la fertile plaine  
De l'Emathie, & puis à la grandeur Romaine;  
Puis l'Empire Romain à l'Empire Gregeois,  
Et l'Empire des Grecs à celui des François.  
Bref soubz le Ciel vouté il n'y a iour, ny heure,  
An ny mois ny saison, qui nostre estat asseure.  
„ Car rien n'est asseuré & la fatalle mort  
„ Prend le grand, le petit, le, debile & le fort:  
„ Les Royaumes ne sont à la grandeur celeste  
„ Non plus qu'est d'un berger la petite casette.  
Ne soys donc Mont-pellier choleré contre moy  
Si ie dis que tu as la faueur d'un grand Roy,  
L'appuy d'un grand Monarque en qui luit à merueilles  
Des graces des vertus, des bontez nompareilles.



C'est un bon Mecenas, car ce Mecene peut  
Tont seul plus que tous ceux qu'on la France conceut.  
Et qui a sa faueur, sa grandeur liberale  
Luy faict sentir des fruiçts de sa bonté Royale.  
Que si ceste grandeur, si ce soleil François  
Nous vouloit departir de ces libres octroys,  
Si son plaisir estoit d'auoir pour agreable  
De donner à Poictiers un pouuoir tout semblable  
A celuy que tu as, elle recognoistroit  
Que Poictiers en honneur moindre ne paroistroit.  
Car que nous reste-t-il? des enfans d'Epidaure  
(Merueilles de ce temps) Poictiers reuerdist ore;  
Et des Pharmatiens une troupe qu'on croid  
Qu'en la France de tels trouuer on ne scauroit;  
Je ne les veux vanter ie ne veux que ma Muse  
A chanter leurs vertus curieuse s'amuse,  
Leur reputation esparduë par tout  
Les fait cognoistre assez d'un Monde à l'autre bout;  
Et leur gloire fameuse engraüée en mon liure  
Immortels les fera apres leurs cendres viure:  
Et tels Pharmatiens doiuent sans contredits  
Emporter le renom sur ceux d'un temps iadis.  
Faictes donc (Monseigneur) que vostre bien-veillance  
Fasse voir à chascun qu'elle est vostre puissance?  
Que Poictiers comme chef & principal seiour  
Du Poictou, de l'honneur, des Muses de l'Amour,

Resente à l'aduenir du Roy les biens propices  
Soubz les iours fortunez de ses heureux auspices.  
Et que par vous il soit tellement incité  
Qu'à nous faire du bien il ait la volonté.  
Puis apres ie diray ( & le tout sans vantance )  
Que les simples nous sont en tres-grande abondance,  
Que nous auons des fleurs en si grand' quantité  
Qu'ailleurs ne s'en void point telle variété;  
Nos iardins sont remplis de belles rares plantes  
De vertus, de beautez, de couleurs differantes.  
Bref ie ne pense point qu'en ce tour spatieux  
On peust rien voir plus beau plus rare & gratieux:  
Que si de nos Iardins les beautez ne sont telles  
C'est sans artiste soin, elles sont naturelles,  
Du Roy la bien-veillance au vostre on voit paroïr,  
Et la simplicité aux nostres on peut voir.  
Et quelque soing qu'ayez à gouverner vos plantes  
Les nostres paroïstront tousiours plus excellentes.  
Car sans art nos Iardins en tout temps se font voir  
Garnis de belles fleurs agreables à voir.  
Tesmoing cest abregé du Monde les merueilles,  
Ce magazin de fleurs & plantes nompareilles  
Du curieux PERNAN qui en toute saison  
Fait trouuer vn Printemps au iour de sa maison;  
Chez qui l'Hyuer, l'Esté, le Printemps, & l'Autonne,  
De diuerses couleurs le Iardin se coronne;



Qui d'Arbustes diuers, d'arbres, & d'arbrisseaux,  
 De bulbes differents les plus rares & beaux,  
 A telle quantité; qui des plantes fibreuses,  
 Qui des plantes qui ont racines tubereuses,  
 En ses quatre quartiers loge si proprement  
 Qu'à les voir l'on diroit que l'on void clairement,  
 Le bizarre contour de la vermeille Aurore;  
 Alors qu'à son leuer le Monde elle redore.

Je ne veux m'amuser à d'crire en ce lieu  
 Les Jardins où souuent Apollon ce grand Dieu:  
 Va ioyeux s'exercer avec sa troupe entiere  
 Qui sont les verds bosquets du sçauant BOUCHETIERE,  
 Du Jardin plus fameux qui est, fut, & sera,  
 Memorial sans fin du sieur du Puy-terra.

Ce n'est là que ie veux que ma muse s'arreste,  
 Je veux bien l'esleuer dessus vn plus haut feste,  
 Je veux presentement qu'avec la trompe en main  
 Elle passe hardiment ce grand destroit Thebain.  
 Qu'elle passe les mers & qu'aux terres loingtaines  
 Elle chante de Dieu les bontés souueraines.  
 Qu'elle chante vn thresor, & que son fredon net  
 A tous fasse sçauoir de mon cher Cabinet  
 Les reueils differens, que i'ay des ma ieunesse  
 Auarement cherchés plustost que la richesse  
 Cabinet qui en toy contiens tout le plus beau  
 Et qui loge à l'enuy comme dans vn tableau

Richement releué des quatre coings du Monde  
Ce qui vit dedans l'air, dans le feu, terre, & l'onde.  
Cabinet qui n'est point de marbre Parien  
Garny, ny des thresors du riche Phrygien,  
Mais qui tel que tu es vas passant en loüange  
Et le Tigre, & le Nil, & l'Euphrate & le Gange.  
Mais c'est trop s'esgarer: sus sus ma Muse il fault  
Redonner à nos fleurs ce resueillant assault?

33 Sus resueillez vous donc? vous ô testes pointuës,  
Qui remplies d'orgueil percés les hautes nuës,  
Irritées ie croy? & tristes au Soleil,  
Nous ressemblez monstrez vostre cholere à l'œil,  
Ialouses de l'honneur: Car la beauté merite  
Loüange qui ne soit trop vile, & trop petite.  
Cessés mignardes donc, cessez vos iustes pleurs,  
N'offencez vos beautez par vos tristes douleurs.  
Ce n'est point par oubly si ie vous ay laissées  
Ce n'est point par desdain si vous n'estes posées  
Au plus beau de ce lieu: Mais chascun doit auoir  
Lieu selon son merite, & selon son pouuoir.  
Toy qui semble le pied de l'oyseau d'Erycine,  
Pourquoy t'offences tu? veu mesme que Cyprine  
Grande, aymée des Dieux, la mere des viuants  
Ne s'offence si tost: Toy des oyseaux ioüants  
Dedans l'air baloye, le prodigue exemplaire  
De l'humble charité du filz enuers le Pere,



Pourquoy s'arme ton bec ? ô quiconque tu sois  
 Qui du veillant troupeau qui forme un Y Gregeois,  
 Portes le bec pointu ; de si superbe audace  
 N'ensanglante les tiens au milieu de la place.  
 Ains sage & bien appris au milieu du troupeau  
 Qui suit ta majesté, montre nous ton plus beau ;  
 Comme aussi fais nous voir des autres les especes,  
 Dont les fleurs rouges sont, fusques, pourprines, perses.

34 Quoy, ie pense sortir du combat d'un costé,  
 Et soudain ie me voy par un autre acosté ?  
 Ah ! pauvrettes cessez, que vos voix coaxantes,  
 Ne soyent à mon discours aucunement nuisantes :  
 N'empruntez cette voix ; contentez vous du nom ;  
 „ Assez acquiert celuy qui a vogue & renom  
 Vous estes en estime on faict de vous grand feste,  
 O belles qui portez le surnom de la beste  
 Prophete du Printemps : puis les rares vertus  
 Qui vont suivant de pres vos corps de vert vestus,  
 Meritent que l'on face à vostre grande suite  
 Un hymne triomphal, chantant vostre merite:  
 Car trois fois douze fleurs, ou plus encore font  
 Ce Jardin glorieux des beautez qu'elles ont

35 Bon Dieu ! quel escadron, qu'elle tourbe mutine  
 Est-ce qu'icy i'entends ? & qui droit s'achemine  
 A moy d'un pas hardy, & qui pousse au devant  
 (Signe de sa grandeur) un ie ne sçay quel vent ?

Vent

Vent supernaturel, vent qui de la Sabée,  
Aporte avecque soy la senteur desrobeeé!  
Tout beau belles tout beau, patientez un peu  
Car ie vous garde bien l'honneur qui vous est deu.  
Croyez que vous serez, en ce verd edifice,  
Celles qui rendront beau l'oeilladé frontispice,  
Ne pouuant presumer que soubz le Ciel astreux  
Il se puisse rien voir de plus rare à noz yeux.

Toy grosse de parfums de qui la fueille semble  
De l'arbre d'Hercules la tousiours fueille-tremble  
Lequel ayant vaincu l'hydeux abboyant chien  
Pour memoire à iamais, braue Tyrinthien,  
Glorieux d'auoir faict si loüable conqueste  
De ton rameau larmeux se couronna la teste.  
De la façon qu'on void de chesne environné  
Iupiter; & Phæbus du tousiours verd Daphné;  
Minerue d'Oliuier brauement entourée,  
Pluton de noir Cypres, de Myrthe Cytherée,  
Le Prince des Amours de Rose au tein vermeil,  
Bacchus de Lierre verd puissant dompte-sommeil;  
Pan le dieu chéure-pied de Pin orner sa tresse,  
Cybelle de Sapins, Neptune de la Pesse,  
Iunon de Lys tres-blancs, & nostre grand Heros  
De ce Peuplier pleurant, arbre remply de los;  
Arbre riche arbre beau, arbre pieux, sincere,  
Arbre qui vit d'ennuy, pour la mort de son frere;



Arbre qui va iettant dans l'Eridan cornu  
 La gomme que ses flots donnent pour reuenu  
 Aux contadins du pays, & aux terres voisine  
 Quand enflé furieux par fois il se mutine.  
 Que le Soleil apres de ses bruslants rayons  
 Durcit pour transporter en mille nations:  
 Dont les Dames du lieu pour paroistre plus belles  
 Enparent richement leurs poictrines iumelles,  
 Leurs cols leurs bras mignons & leurs doigts amoureux  
 L'Orfebure sa boutique, & le marchant heureux  
 Son vaisseau voyageant du Po iusqu'en la France  
 Et aux lieux où il croit agrandir sa cheuance.

Toy masle sauge feuille, & toy femelle aussi.  
 Pourquoi n'esteignez vous mon eternal soucy  
 Par vostre belle fleur? vostre incarnate rose,  
 Vermeillette obscurcist de l'Aurore declose  
 Les habits emperlez, quand son vieillard grison  
 Dort paresseusement dessus nostre OriZon?  
 Toy qui sembles de feuille à ceste herbe sublime,  
 L'herbe deschasse-faim, la mariniere Halyme;  
 Aproche librement, toy belle qui du Thim  
 Portela feuille aussi: Toy qui du Rosmarin,  
 Toy qui de la Lauande, & vous trois qui du Saule,  
 Du Myrthe, & Mariolaine, auez la feuille & caule.  
 N'usez point de desdain, ains toutes librement  
 Venez nous faire voir vostre beau parement?

Touttes ie vous semonds par l'apparance extreme  
D'où belles vous iugez qu'ardemment ie vous ayme;  
Belles si le soleil nous faict rien veoir de beau  
De son bers radieux iusques à son tombeau.

Car l'eternel ouvrier n'a d'une vertu seule  
Honoré vostre espee, ains dessus vostre fueille  
Il fait pleuvoir un Ros, dont le barbu menton  
Des chœurs & des boucs se charge ce-dit-on,  
Lors qu'ilz broïtent gloutons les gras-gluans fueillages  
De vos tendres jettons, aymez sur tous herbages;  
Quand costoyans autour, leur long-poil blanc-barbu  
De ceste riche humeur se trouue tout imbu.

Quel plus rare plaisir de voir par les campagnes  
Dix mille boucz lascifs avecques leurs compaignes  
Folastrement broutans? & des feuilles & fleurs  
Sur leur poil largement remporter les liqueurs  
A leurs maistres, qui n'ont pour leur vie autre attente  
Qu'à ramasser en un ceste liqueur gluante,  
Pour la vendre en apres au Cretois opulent,  
A l'Esclauon, ou bien au Cyprien marchant,  
Ou à celui qui vient des terres estrangeres,  
Pour enleuer ce suc & autres drogues cheres,  
Que la vineuse Cypre heureusement produict  
Soubs le climat germeux de son tresgrand circuit.  
Rares riches, pour qui tant de grands personnages  
Ont employé chantant une part de leurs aages,



Pour qui ma Muse encor veut chanter ceste fois.  
 Belle qui emportez des prez; monts, & des boys  
 Le renom le plus grand: doncques Clio, Thalie,  
 Terpsichore, Eraton, Calliope, Vranie,  
 Euterpe, Melpomene, & Polymnie encor,  
 Toutes neuf accourez pour chanter un thresor?  
 Non pas du Phrygien, d'un Chrese ou bien d'un Daire  
 Mais l'unique beauté sur qui Phœbus esclaire;  
 Et sur qui plus il faict largement apparoir  
 Les Celestes vertus de son diuin pouuoir,  
 En faisant que tant plus son feu bruslant rayonne  
 Tant plus ceste liqueur liberal il nous donne:  
 „ Presant qui n'est petit: Car le presant d'un Dieu  
 „ Est agreable à tous en tout temps, & tout lieu.  
 Et outre il croist au pied de vostre caule, un germe,  
 Dont il se faict un suc, d'une vertu tresferme;  
 Qui seiché au Soleil, & par soing espuré,  
 Aporte à plusieurs maux un remede assure.  
 Voila comme vos fleurs, feuilles, & sur-racines,  
 Seules ne sont pour nous mises en medecines:  
 Ains le tout nous est beau, tout est exquis en vous,  
 Et rien n'en sort, qui n'ait effect utile à tous  
 36 Icy la verte-blanche & solaire fleurette,  
 Qui du Grec en François laict d'oiseau s'interprete;  
 Marche d'un large front & d'un orgueilleux pas:  
 Sxi. compagnes de loing cheminent sans compas,

Ne voulant point ceder leur nombre septenaire,  
A un nombre plus grand, bien que Sexagenaire.

37 Sexagenaire troupe honneur des riches prez,  
Honneur des monts, des bois, des valons diaprez,  
Des hommes esmaslez rare-riche remede,  
Remede pour Venus, qui tous autres precede,  
Et qui portez le nom des Faunes esuantez,  
Et qui du Redempteur la main represantez;  
Qui du chien masle encor portez en la racine  
Les dents, & les tesmoins, propres en medecine,  
Dont maints glacez amants, & maints vieux amoureux  
Vsent pour engendrer plus de chaleur en eux;  
Pour au doux ieu d'Amour auoir plus de puissance  
De fournir au deffaut de leur rare semence.

38 He! quelle ceste-cy qui semble auoir en main  
Un sceptre Imperial, honneur du genre humain,  
Qui superbe en ses pas meine pour son escorte  
Sutte de deux fois-trois de sa semblable sorte.

39 Vous qui belles semblez & qui portez le nom  
Du flambeau de la nuit, qui auez le renom  
D'un blanc-luisant satin, dont maintes damoiselles  
Decorent par honneur leurs poictrines iumelles.

40 Cyllenien ailé, pere des bons esprits, !  
Admirable inuenteur de ceste herbe de prix,  
Plante qui prens des dieux le nom par excellence  
Plus que toutes estant remplie de puissance,



Qui du poëte Grec auenue as le surnom;  
 Dont la racine semble au cuisinier oignon;  
 Qui pour exorciser as des vertus habiles,  
 Et aux enchantemens des moyens fort utiles,  
 Qui font que les sorciers par accidens diuers  
 Font des miracles grands par ce grand uniuers.

41 Vous letheanes fleurs, dont les testes coupées.  
 Rendent vn laict tout plein des effects des Morphées,  
 De dormirs eternels, si le suc épuré  
 D'Antidotes certains n'est tresbien preparé.

✱ Et toy belle l'honneur de la campagne aride  
 Du bourg de Martigny, belle Sefamoïde,  
 Petite, que le soing grandement curieux.  
 Du docte L'AGVILLIER à faict voir à nos yeux,  
 Faict prendre à belle mains, faict arracher de terre  
 Pour les planter apres en son riche par-terre  
 Pour lequel nous deuons d'une commune voix  
 Inuoquer Apollon, pour que ses minces doigts  
 Tonnent à sa loüange vn Hymne poëtique  
 Sur son luth resonnant d'un beau Mode Dorique:  
 Les Muses ce pendant de souëfues odeurs  
 De Roses & Baccar luy coronnent de fleurs  
 Son chef, & que tousiours au bord des riuës molles,  
 D'un burin eternel sur l'escorçe des Saules  
 L'on en graue son nom, qu'à la posterité  
 Par nos futurs nepueux **DEPERNAN**, soit chanté.

42 Vous qui portez le nom de ce Roy d'Illyrie,

43 Gentie surnommé: Vous dont la fleur chérie

D'un astre flamboyant qui bluettes semblez,

Vostre trezeine troupe à ce bal assemblez;

Pour aportér du lustre, & pour donner lumière

A ce Jardin l'honneur de ceste prime-verre?

44 Mais qui sont celles-cy, qui pleines de venim,

(Belles pourtant de fleurs) se mettent en chemin?

Et fâchées s'en vont à la teste baissée,

Prendre de ce Jardin la place mieux gencée;

Royne folle d'Amour, qui pour le fils d'Eson

Endormis le Dragon, pour avoir la toison

De l'or Pactolean; Royne qui sçeus bien faire

Pour agréer au fils, raieunir le viel pere:

Et qui traistre à la fin osa bien attenter

Trop indiscretement, de tes yeux s'absenter:

Ton Royaume a donné à ces bulbeuses plantes

Le nom, dont les vertus sont beaucoup differantes.

45 Vous qui belles semblez à l'enazé museau

Du cornu porte-Europe, alors qu'au bord de l'eau

Il bondit au Printemps, en une verte prée

Quand libre exempt du ioug muglant il se recrée.

46 Toy dont la feuille sert, & qui portes le nom

De l'effect, pour lequel tu as vogue & renom:

Feuilles porte-coton, porte-fil porte-laine,

Brulante & esclairante, en une lampe pleine



D'huile, ainsi que feroit le filet estillé,  
 Ou le Malthois coton par la femme filé;  
 Comparois hardiment, que ta fleur rougissante  
 D'honorer ce Iardin ne soit point refusante?  
 Fay marcher apres toy d'un signal, pour la voix,  
 Ta suite qui parfaict nombre douze fois trois.

47 Vous belles qui semblez aux griffes tres-pointuës  
 De l'Aigle imperial, hautaine dans les nuës,  
 Dont vous portez le nom monstrez vostre valeur?  
 Belles, qui de ta mere à nostre Redempteur,  
 Portez des guans le nom; faites que vos especes  
 Comparoissent icy en leurs robes diuerses;  
 Car sans vous nous n'aurions le moyen de rien voir  
 De ce qui beau se peut dire en ce bas terroir.

48 Toy belle qui fais voir dans ta fleur l'excellence  
 Des diuerses couleurs de l'arc de l'alliance;  
 Monstre nous ton plus beau, & semonds librement  
 Le bulbeux iaune-fleur, à paroïr promptement,  
 Assisté du bulbeux à la fleur cérulée;  
 Du bulbeux dont la fleur est de bleu variée,  
 Du deux fois florissant, & du grand Dalmatic,  
 Du Susaniën, du blaffard Illirie,  
 Et les autres restans, fay marcher de vitesse  
 Pour en ce beau Iardin estaler leur richesse,  
 Car trois fois dix & plus, d'un front bouffi d'orgueil,  
 S'auurent en cette place au leuer du Soleil.

49 Et toy blanche du laiët escoulé par fortune  
Du tetin de la fille au pere de Neptune,  
Femme & seur de Iuppin Emperiere d' l'air  
Qui commende en la terre & dans l'ondeuse mer,  
Auec tout le scadron de ta bande amiable  
Assiste à cest amas de ta grace agreable?

Vous Orangées fleurs qui fleurissez si tard.  
Vous flammeux qui portez dans vos habits à part  
Le bulble semencier, qui semé represente  
En sa perfection toute la mesme plante  
Vous rouges bien aimez, mon desir printanier,  
Qui mes soucis cuisans me faictes oublier,  
Lors que j'admire en voust tant de graces infuses,  
Tant de rares proiects, tant de graces confuses,  
Tant de varietez, dignes cent & cent fois  
D'enrichir les Iardins des Princes & des Roys:  
Ornez mon beau IARDIN, belles fleurs d'excellence,  
Rien de beau ne se void que par vostre presence?

50 Toy superbe croisé, dont ta fleur, le Turban  
Semble du Persien, ou du Turc Othoman,  
De cette belle escadre ayes soing ie te prie,  
Et de te faire voir un long temps ne t'ennuie?

51 Toy qui porte le nom de cest oyseau Royal  
Dont la parlante voix, d'un discours jouial  
Esioüit du passant, renfermé dans sa cage,  
L'humeur melancolic qui son cerueau ravage;  
Quand d'esclatante voix il se nomme tout haut

H



Le cher mignon du Roy, à qui donner il faut  
 Le friand desjuner, & folastre babille  
 Et raconte aux passants les secrets de la ville.  
 Mes yeux ieunes ont veu dix mille & mille fois  
 Dedans Romme au palais d'un Cardinal François,  
 Vn de ces animaux: dont l'affetté langage,  
 Artistement appris par vn frequent usage,  
 Raportoit proprement d'un disert Orateur  
 Les doux-graues discours: Car d'un propos flatteur,  
 Tantost il entonnoit de Petrarque la Laure;  
 Et tantost de sa voix il allumoit encore  
 Les feux Gregeois esteints: Et tantost en latin,  
 Il disoit quelques vers; puis quand son auertin  
 Le prenoit, il chantoit tantost vn Vau-de-ville,  
 Tantost vne Pauane, or d'une voix pupille  
 Contrefaisoit l'enfant, puis en discours diuers  
 Il amusoit le peuple, or en prose, or en vers.  
 Si que le Ciel qui void tous les thresors du monde,  
 Ne voioit rien plus beau sur la terre & dans l'onde.

Je te salue aussi toy feuille qui produicts,  
 Par toy seule racine, & fleurs, feuilles & fruiçts:  
 Fruiçts du fruiçt du Figuier ayant la ressemblance,  
 Mais non le goust si bon, ny si plain d'excellence:  
 Qui rare te fais voir & te fais admirer  
 Dans le riche pourpris du Romain, Bel-veder;  
 Où mainte & mainte fois j'ay senty arestée,  
 En l'admiration ma ieunesse escartée;

Regardant par merueille en une feuille, tant  
De feuilles, qui s'aloient l'une sur l'autre entant.

C'est toy cher MORICEAU c'est toy fils de Permesse  
Qui me fais posseder une telle richesse,  
C'est de toy que ie tiens un si riche thresor,  
Que ie n'estime moins que les perles, & l'or  
De l'Inde precieuse; & que cent fois encore  
Ce que void ce grand œil qui le monde redore:  
Ce sont de tes bien-faicts Moriceau : mais croy-moy  
Qu'un iour i'entonneray ton beau renom : mais quoy?  
En un subiect si beau faut il que ie m'arreste?  
Non, il ne le faut pas; Muses tost qu'on m'apreste  
D'un doucereux Nectar un hanap Pithyen  
Pour grimper plus dispos au mont Permessien:  
Où glouton ie boiray à longs-traicts non sans peine  
Des bouillons Ambrosins, de la source Hypocrene,  
Pour chanter à iamais eniuré de vostre eau  
Les singularitez que i'ay de Moriceau;  
Que l'on void auioird'huyparostre par merueilles  
Dedans mon Cabinet plein des choses nouvelles;  
Que l'Inde, le Peru, que le Nil, que le Nord,  
Ont ietté par faueur sur le bigarré bord  
Du Clain profond ruisseau : où la faueur diuine  
M'a faict en cest endroit fauorable Lucine.

I Toy pleureux Crocodil qui as daigné quitter  
Ton Gosen serpentant, pour venir visiter



Le Poictou qui chez soy ne void mourir ny naistre  
 Reptile si puissant, le premier, viens paroistre  
 Dedans mon Cabinet? indigne toutesfois

2 D'estre ton gardien. Toy quiconques tu sois  
 Qui ressemble à te voir le monstre que Regule  
 Attaqua viement, quand le gros de Romule  
 Intimidé dressa tant de sortes d'engins,  
 Qu'il en eust ruiné l'Empire des Romains  
 S'il eust voulu tourner ses armes homicides  
 Ennemy du repos ( comme nos patricides)  
 Vers son pays natal: monstre icy ta longueur  
 De plus de treize pieds; & ta ronde grosseur  
 A tous ceux qui diront, ô comment la puissance  
 Du trois fois tout puissant a peu donner naissance  
 A un si gros, si long, si furieux serpent!  
 Sur le ventre en la terre, & sous l'onde remplant:  
 Et dis à haute voix ( au moins si la parole  
 Te vient; mais en cecy ie sers de protecole,)  
 Faictes à Moriceau, humble remerciement  
 Car par luy vous auez l'heureux contentement  
 De me voir en ce lieu, ayant quitté mon maistre  
 L'Apollon Rochelois! pour me faire paroistre  
 Dedans le Cabinet de Contant, qui chez soy  
 A dequoy contenter l'esprit mesme d'un Roy.  
 „ Ce n'est pour me vanter: Car de soy la ventance  
 „ Reiaillit contre nous; Mais ie puis sans iactance

Malgré mes enuieux à présent faire voir  
Les plus rares beautéz qu'ores on peut auoir.  
Je sçay bien que plusieurs soit d'amour soit d'enuie  
Vont disant hé! CONTANT tu consume ta vie  
A chercher curieux de la terre & des mers,  
De l'air mesme & du feu, les animaux diuers?  
Il est vray; mais pourtant croy, toy qui veux t'enquerre  
Des actions d'autrui, que ce soing ne m'atterre,  
Ni ne me faict quitter par vaines passions  
De mon Estat chery les occupations.  
Ains seruant au public ainsi que Dieu l'ordonne  
De mon Art tresssoigneux, quelques-fois ie me donne  
Vne heure de relasche; & par fois au matin  
Je visite les fleurs de mon petit Iardin:  
Petit en sa grandeur, mais bien grand en la chose  
Que la terre en son sein tient cherement enclose.  
Tantost pour esueillier mon esprit curieux  
Je sors à la campagne, où ie cherche les lieux  
Propres pour contenter le subiect qui me meine,  
En recueillant les fleurs naissantes par la pleine;  
D'ont i'ay faict vn amas, si grand qu'à peine l'œil  
Peut voir en mille endroicts vn plus riche recueil.  
Bref mon ambition n'est d'estre Roy ny Prince,  
Iuge ny Magistrat, ny chef de la Prouince,  
Je ne veux point qu'on die, haissant ce qu'on peut;  
Contant a de grands biens; car cela ne m'esmeut:



Et ma profession honnestes ne me donne  
 Les moyens terriens, mais la riche Couronne  
 „ De l'immortalité: Et le bien ne faict pas  
 „ L'homme heureux, mais ouy bien, les œuvres du trespas.

Si doncques la faueur de la toute puissance  
 Quelques fois me faict voir les doctes de la France,  
 Je ne suis point si peu d'entendement pourueu  
 Que ie n'aduioie assez cela ne m'estre deu:

Et si les Princes grands des terres Germaniques,  
 Et si des Electeurs les parents magnifiques  
 Honorent mon sésour? ie n'en suis glorieux;  
 Ains contentant en tout leurs espritz curieux  
 De mon rare recueil, selonc ma suffisance  
 I'en donne librement à tous la cognoissance:

„ Car sachant quelque chose & ne le dire pas  
 „ C'est estre trop ingrat, du sçauoir que tu as.

3. Le reptile Toiours est de la compagnée  
 Et l'Iuanas encor; & la pointe acérée,

4. 5. De l'Aiguille de mer: le furieux Tiburon  
 I preside: Et d'honneur le marin Herisson  
 De ses pointes armé, dont les viues pointures  
 Des viperes en rien ne cedent aux morsures.

L'Arondelle de mer: & l'Vletif denté;

6. La Squatine: & encor le Creac hault-uanté.

7. Et le subtil Dragon l'ennemy de Nature,  
 Qui sans cesse & sans fin l'humaine creature

Tasche de renuerser par mille efforts diuers  
Soit de iour soit de nuict dans ce vaste Vniuers.  
Qui tascha d'acabler celuy que la puissance  
Diuine, auoit logé dans l'Eden d'innocence,  
Après que du limon son inuisible main  
L'eut fait Prince absolu de tout le genre humain;  
L'eut crée, ~~non~~ conçu, sans Pere, Ayeul, ni Mere,  
Sans Oncle, sans Cousin, sans Tante, Sœur, ni Frere.  
Ce fût toy faux Dragon Insecte veneneux  
Qui le fis tresbucher dans l'Orque tenebreux;  
Après que du grand Dieu la haulte prescience  
Luy eust dict, voy ce bois? C'EST L'ARBRE DE SCIENCE:  
Ne mange de son fruit; car des ce triste iour  
Des Palus Stygieux s'ouurira le sésieur;  
La mort parmi les champs tournoyant vagabonde  
Tranchera de sa faux tout ce qui vit au monde.  
Mais disons maintenant de ta subtilité  
L'histoire malheureuse à la posterité!

A peine le grand œil du Roy de la Nature  
Eut contemplé d'Adam l'admirable structure,  
Admiré sa beauté, ses yeux, son front hautain  
Sa bouche, son discours, ses bras nerueux, sa main;  
Qu'il voulût pour dompter l'effort des destinees  
L'armer de l'instrument de mille races nées.  
Si bien que luy donnant quelque iour à propos  
Vn sommeil chasse-ennuy, sans troubler son repos



Tira de ses costez un corps , tout saint, tout sage,  
 Tout vierge tout aymable, & si clair de visage,  
 Qu'esueillé le voyant si parfaictement beau  
 L'embrasse, le cherit comme un ayde nouveau;  
 Et d'un esprit rempli de sainte Prophetie  
 Dict: à ce coup voicy la vie de ma vie:  
 Voicy l'os de mes os & la chair de ma chair,  
 Digne ouurage du Ciel qu'à iamais i'auray cher:  
 O belle & douce fleur! Eue ma douce enuie  
 Accepte mon amour pour le cours de ta vie?

A ces mots si mignards, nostre mere receut  
 Tant de baisers muetz que rauie elle en fut,  
 Et sucçant ce doux miel de sa léure pourprine  
 Sent ses mesmes desirs à luy seul se consine,  
 Humble & chere moitié. Quand l'Eternel passant  
 Dict, Adam ô Adam, de tout arbre croissant  
 Dedans ce Paradis, ie te donne l'usage  
 Fors de cest arbre icy? C'EST L'ARBRE DE SCIENCE  
 Te iurant de par moy, que si quelque desir  
 De goustier de son fruit vient ton ame saisir,  
 Tu n'en auras mangé si peu, qu'à la mesme heure  
 La Parque aura chez toy pour iamais sa demeure,  
 Et de vaisseau crée par ma dextre immortel  
 Tu seras pauvre, esclaue, imparfait, & mortel.

Il eut dict: & soudain les laisse, & se retire:  
 Toy Dragon cependant à la femme vins dire

Pauvre

Pauvre que penses-tu, quoy? ne voids tu pas bien,  
Que Dieu, Dieu ne veut pas, que connoissant le BIEN;  
Tu sois semblable à luy? ce n'est que par enuie  
Qu'il deffend de manger de ce doux fruit de vie?  
Car si vous en aviez goûté tout aussi tost  
Vous seriez comme Dieux & dans l'Olympe haut  
Comme luy vous auriez une place immortelle,  
Jouissantz eternelz d'une gloire eternelle.

A ces mots doux-trompeurs, elle empoigne du fruit  
A sa chere moitié succintement desduit  
Ce que contre l'arrest de la sainte ordonnance  
Ta voix luy conseilloit sous l'humaine apparence.

Mange mange ô mon cœur ma vie & mon soucy  
De ce fruit deffendu sur tous les fruitz d'icy?  
Qu'il est beau, qu'il est doux, ô qu'il est agreable!  
Si i'en mange ô m'amour feras-tu le semblable?

Adonc Adam forcé du sort iniurieux  
Et vaincu des attraitz de ces motz specieux,  
Prend le fruit oste-vie, & pour plaire à sa femme  
Plus qu'au Saint-d'Israël avec ses dents l'entame:  
Mais ce couple deceu n'en eut si tost masché  
Qu'il sentit dedans soy les coups de son peché;  
L'un & l'autre voyant leur corps nuds miserables  
Dignes de mille mortz les plus espouvantables;  
Craintifs vont dans les boys, & pour leur chair cacher  
Leur main sçait d'un Figuier les fueilles atacher



Proprement l'une à l'autre; & mains ingenieuses  
 S'en voiler dextrement leurs parties honteuses.  
 Du grand Dieu cependant la loing-tonnante voix  
 Appelle Adam Adam, muçé dedans les bois  
 Ou es-tu? parle à moy? responds ô detestable?  
 Pourquoi te caches-tu? donc tu te sentis coupable  
 De quelque grand forfait? Ah! Seigneur (dit Adam)  
 J'ay mangé de ce fruit interdit, à mon dam,  
 Ma femme ma compaigne avec la vehemence  
 De ses sucez discours a brisé ma constance;  
 A forcé mon dessein, a flestry mon honneur,  
 M'en a mis dans la main. C'est pourquoy Monseigneur  
 Voyant ma nudité, honteux devant ta face  
 Je me cache, & pourtant ie ne puis trouver place,  
 Que l'horreur du delit, commis encontre toy  
 Ne me face fremir Monseigneur & mon Roy!  
 Femme pourquoy as-tu commis si lourde faute  
 (Dit alors du grand Dieu la Majesté tres-haute?)  
 Seigneur le feint parler du Serpent seducteur  
 Soubz cest arbre (dit elle) enfanta ce mal-heur.  
 Meschans qu'avez vous fait? Toy homme en recompense  
 Du mal qu'as perpetré par desobeissance,  
 Du labeur de tes mains tu nouriras ton corps,  
 Car la terre de soy ne produira rien fors  
 Queronces, que chardons, qu'espines trespoignantes  
 Au lieu des fruicts naissants des arbres & des plantes.

Toy femme desormais, quand enceinte seras  
En douleurs & travaux tes filz enfanteras.

Et toy cruel Serpent ramperas contre terre:  
Entre la femme & toy ie mettray forte guerre,  
Guerre entre sa semence & ta semence aussi;  
Elle t'écrasera ton orgueilleux sourcey,  
Et toy à son talon tu feras ta cautelle.

Ainsi dit le grand Dieu: & ce couple infidelle  
Fut chassé pour iamais du verger gratieux  
Par le glaive flambant d'un Cherubin des Cieux.

Tout beau Muse tout beau destandons le cordage  
Calons voile à propos iettons l'Anchre au riuage  
C'est assez sillonné ce Neptune profond,  
Encor qu'un beau dessein nous serene le front:  
L'effort du vent ialoux qui le gonfle en sa rage  
Nous menasse à tous coups d'un perilleux naufrage.

Mon Dragon seul motif de ce sacré discours  
Doibt icy limiter la force de son cours:  
Que si sa rareté quelque chose merite,  
Disons-le brefuement: son seul portraiçt incite  
Les esprits plus grossiers à contempler sans fin  
Les merueilleux effects du grand Dieu souverain,  
Sa corne sur son chef profondement entée  
Plus rare qu'onc ne fut la corne d'Amalthée,  
Ses ailerons ses pieds: bref tout son corps entier  
Entre les corps rampans porte le front altier.



8 Ces ronds-globeux poissons ces poissons qui dans l'onde  
Portent le nom qu'on donne à la machine ronde.

9 Et celui qui tousiours contemple curieux  
Du Ciel haut esleué le plancher radieux.

10 Et cest oyseau qui a un gros bec si difforme,  
A la comparaison de la petite forme  
De son corps enrichy de si belles couleurs,  
Que le printemps ne peut de ses bizarres fleurs  
A nostre oeil curieux estalant les merueilles,  
Nous en faire admirer de plus riches & belles.  
Bref ce petit oyseau est sur tous estimé  
Pour son bec, pour son corps richement emplumé

11 Toy leger Canoé, qui sur les ondes perses  
Comme un trait descoché les grands costes traueses,  
Qui conduit dextrement sans Voile, ny Timon,  
Sans Antenne, sans Mas, sans Poupe, n'Auiron,  
Par l'expert Indien, sans crainte du naufrage  
Tout seul bien assésé dans le fort de l'orage  
De l'ondeuse Tethys, chasse en mille façons  
De l'irrité Neptun les monstrueux poissons:  
Et qui lassé de faire en un lieu sa demeure  
Te chargeant sur son dos cherche place meilleure,  
N'ayant point de pays qui le peust obliger  
Ni sa famille aussi pour tousiours si loger.  
Et comme nous voyons les vistes Arondelles  
Qui trauesent les mers chercheant les saisons belles

Pour trouver en tous lieux des desirez prin-temps:

Ainsi ces Indiens chargent en certains temps

Leurs femmes, leurs enfants, & dans leurs Barques vistes

Passent en un moment les pleines Amphytrites

12 Puis ce rare Vletif qui porte dans son front

Ainsi que la Licorne un estoc qui desrompt

Sans pitié ny mercy, des troupes escaillées

Les milles légions sous les ondes sallées:

Semblable au roide-bras, qui au fort du combat,

Or la teste, or l'espaule, or tout le corps abat

De son fier ennemy, & qui brauache appelle

Les plus hardis soldats de l'armée rebelle

Luy furieux decoupe, & en un tourne-main

Fait voir plus d'ennemis terrassez par sa main,

Qu'un entier escadron au plus fort d'une guerre

N'en scauroit en un iour bouleverser par terre.

13 Cest acéré couteau, cest Espadon de mer,

Qui peut d'un coup d'estoch percer en plaine mer

Des voyageurs la Nef, & qui tousiours fait guerre

Aux animaux muets de son droict Cymeterre.

14 Ce LeZard estrangier qui porte & à propos

Mille traits mols-pointus pour l'honneur de son dos,

Et qui monstre outreplus sous sa gorge une creste

Ressemblant celle la qu'a le Coq sur la teste.

Tant d'autres animaux qui rares se font voir

A ceux qui ont desir de les faire valoir,



Honorent le sésjour d'une grace gentille

15 Du cuirassé Tatou: & de son Armadille.

16 Armadille l'honneur de l'esmaillé troupeau,  
D'escailles tout couuert au lieu de tendre peau,  
En ta creation sur tous le plus estrange  
Pour tes rares beautez seul digne de louange.

Car quel chef conduisant une armée pourroit  
S'armer plus dextrement ( quand mesme il le voudroit )  
Quel chef dont la valeur d'une armée bien ioincte  
Ayant receu l'honneur de la premiere poincte?  
Qui void & qui cognoist & qui ia tout certain  
La cruelle Atropos luy lancer de sa main,  
Le dard enuenimé & qui n'attend que l'heure  
Du coup qui luy dira, sus il faut que tu meure:  
Se pourroit mieux armer? Car soit qu'il ait l'Armet  
En teste, & sur son dos le luyant Corselet,  
Des brasards des cuifarts & les mains guantellees  
Garnies dextrement de pieşes escaillees,  
Que son corps soit par tout couuert de fer mouuant,  
Et qu'ainsi bien armé ne craigne le deuant,  
Ains chef bien aguerry avecques sa rondache  
Attaque viuement l'ennemy qui branache:  
Ceste armure n'est rien, ceste armure n'est point  
Digne d'estre esgallée à celle qui le ioint  
D'un naturel ressort, & qui tousiours est preste  
De soutenir le chocq de l'ennemye beste.

17 Le Stinc venerien: le Remore petit

Qui des vents irriteZ ne craint point le despit,  
Quand son foible museau sur la Nef agitée  
Des perilleux efforts de la mer irritée  
S'attache viuement: que tous les Aquilons  
Que tous les vents en vn furieux & felons  
S'arment pleins de despit, que toute la machine  
Pour esbranler la nef & desplacer s'obstine,  
Rien, rien, le tout-puissant qui de telle vertu  
La Remore à rempli ne peut estre abbatu:  
Ains ferme restera iusqu'à ce que son moufle  
Fiché contre la nef, des vents, l'effort ne trouble.

18 Le Loup, le Chien de mer, la grand Chauue-souris

De laquelle se fait des discours pleins de ris.  
Vn fidelle Escriuain dont la plume antique  
A fait voir aux François l'autre France Antarticque  
Nous contant des pays estranges & lointains  
Les façons & les meurs, & des Americains  
Les plus rares beautez, nous raconte une histoire  
Aussi belle à sçauoir que difficile à croire:  
Dont l'on pourroit douter, si de plusieurs esprits  
Sur ce mesme subiect nous n'auions des escrits.  
Mais la fidelité de ce grand personnage  
Rend d'icelle en tous lieux asseuré tesmoignage,  
Comme autheur oculaire, ayant veu de son œil  
Le clair sang ruisseler de son plus gros orteil.



*L'Americain dormant en sa natalle terre  
 Dans son liēt de cotton esleuē de la terre  
 Pour crainte des serpents hideux & vagabonds,  
 Qui sont en ces Pays aux hommes furibonds,  
 Et qui pour empescher leur cuisante morsure  
 De s'esleuer tels licts a eu le soing & cure:  
 Bien souuent encourroit d'un Carybde mortel  
 Le danger eminent dedans son propre hostel.  
 Si Dieu n'auoit donnē (par sa toute puissance)  
 A ce fier animal de ne faire nuisance  
 A l'homme sommeillant, quand son pied quelque fois  
 Nud sort hors de son liēt s'aprochant à pieds cois,  
 Le mort si doucement au gros orteil que l'homme  
 N'en sentira iamais la morsure en son somme;  
 Mais estant resueillé, le matin tout son liēt  
 Se trouue plein de sang, comme si au comflict  
 Il s'estoit rencontrē d'une fiere bataille,  
 Où sans se recognoitre & d'estoch & de taille  
 On frape l'ennemy, qui souuent ne croit pas  
 Estre blecé pourtant qu'il soit pres du trespas.*

*Ainsi celuy voyant de sang sa couche pleine  
 Et triste ne sachant ceste cause soudaine  
 S'estonne: mais alors son voisin qui le sçait  
 En se moquant de luy luy raconte le faict,  
 Et luy montrant à l'oeil la cause de sa plainte  
 Luy fait quitter l'effroy dont son ame est atteinte*

*Qui*

Qui fait que l'un & l'autre en liesse & en ris  
Discourent à plaisir de ces Chauues-souris;  
Et l'un d'eux pour tromper & le temps & pour rire  
Soudain pour s'esjouir ceste histoire va dire.

Vn iour que le Soleil auoit de toutes parts  
Sur la terre esclancé ses flamboyants regards,  
Qu'un chascun auoit mis la main à la besogne,  
Que l'un à un estat l'autre à un autre soigne,  
Qu'un chascun aspirait de son artiste main  
Gagner en travaillant pour vivre au landemain.

Le seruiteur d'un Moine enchargé de son maistre  
D'aller dilligemment en quelque lieu pour estre  
De retour promptement: obeissant soudain  
Se met alegrement à tracer le chemin,  
Pour n'estre dit de ceux qui n'ont point de vergongne  
De n'effectüer pas la charge qu'on leur donne.  
Mais estant de retour une fieure le prit  
Ses membres sont tremblans, son visage pallit,  
On le void deffaillant, son haleine occupée  
D'un Empiemme vray se void preoccupée:  
Le vermillon desia luy a le rond pommeau  
De la ioüe entourné d'un l'ethean pinceau.  
Bref on ne void en luy aucun signe qui donne  
Esperance de bien pour sauuer sa personne.  
La le Chirurgien pour au sang air donner,  
Met sa lancette en main, afin de le saigner:

K



Mais comme tout estoit en peril & en doubte,  
 De la veine de sang ne sort aucune goutte.  
 Le voila donc laissé, comme celuy qui est  
 De desloger d'icy à la mesme heure prest:  
 Des-ja le Confesseur en consolant son ame  
 Du tout-puissant pour luy l'assistance reclame:  
 L'asseure qu'aujourdhuy dedans son paradis,  
 Il sera iouissant des biens qu'il a promis  
 A tous ceux qui auront en luy pleine croyance,  
 Pouuant les deliurer de mortelle soufrance;  
 Or en ce desespoir une Chauue-souris  
 Se coula dans son liect, & d'un remede exquis  
 Soulagea le malade ouurant la Maleole  
 Veine pres du talon, & saoule s'en reuole  
 Ayant humé du sang pour sa necessité  
 Et pour remettre aussi le malade en santé.  
 Voila comment celuy qui toutes choses donne  
 Contre l'espoir humain la santé nous redonne.

19 Le Chancre Molucan de tous le plus parfait  
 Et le plus merueilleux que la nature a faict,  
 Suit la Chauue-souris: puis le fruit admirable

20 De l'espineux Melon, dont l'escorce est semblable  
 Aux aiguilles qu'on void sur le porc frissonnant  
 Qui de dards trespontus est tousiours foisonnant.

21 Bon Dieu quel cetuy-cy qui dedans l'Amphitrite  
 Horrible se fait voir entre un amas d'eslite

De poissons escaillez & qui fait furieux  
De crainte aux plus hardis surhausser les cheueux?  
C'est le Diable de mer: c'est cest horrible Monstre  
Dont icy la figure ô Lecteur ie te monstre:  
L'ennemy capital des hommes, & des Dieux:  
Va-t'en retire toy dans l'Orque Stygieux:  
Que plus tu ne sois veu que plus plus sur la terre  
On ne sente à iamaïs ta frauduleuse guerre:  
Que Dieu te chasse loing que Dieu propice & doux  
T'oste le droit qu'Adam feit couler dessus nous.

22 Et ce Soleil de mer qui se veut dedans l'onde  
Faire estimer autant que le Soleil du monde.

23 Ces estoiles qui font au Soleil chasque iour  
Par attraicts affetez la recherche & l'Amour

24 Puis ce poisson qui a dans sa gueule rangées  
Vingt fois dix dents, & plus proprement arrangées:  
Animal monstrueux, qui dans l'ondeuse mer  
Tant il est furieux se fait fort estimer.

25 Mais quel est cetuy-cy quelle horrible Chymere?  
Quel estrangier poisson nous iette la mer fiere?  
Quel enorme regard, mais quel poisson gourmand?  
Il ressemble à le voir que l'ondeux element  
N'a point dequoy remplir sa grand' gueule beante  
De viures suffisans, & la rendre contente.  
Tais-toy, tais-toy i'ay bien de ton viure ordonné  
Ayant ton feint repas en ce lieu façonné;



Ne t'enquiers point comment & ny par quelle adresse  
 Tu te pourras nourrir Grenouille peschereffe:  
 Ton esprit inuentif qui t'a donné ce nom  
 Te fera bien trouuer le viure qui t'est bon.

26 Cauteleux animal qui tousiours fais la guerre  
 En la mer comme faiët le Renard sur la terre,  
 Qui trompeur & subtil sentant, que l'ameçon  
 Picque d'un coup mortel ton tendre gauion  
 Auallant le cordeau iusqu'à la ligne sapes,  
 Et ainsi finement du pescheur tu eschapes;  
 Aux hommes aprenant sans iamais s'affliger  
 Comme il faut euitier un apparent danger.

27 Viens aussi librement, ô toy qui tout estrange  
 Sçelon l'obiet presant de couleur soudain change?  
 Qui timide reçois les diuerses couleurs  
 Accidents trescertains de tes foibles humeurs.

28 Que l'Ypocampe aussi sans crainte s'achemine  
 Qu'il paroisse hardiment, mais qu'il ne se mutine;  
 Car les petits tousiours ont le cœur fort hautain  
 Et plus que les grands sont d'un courage mutin  
 Animal que sur tous les autres i'ayme & prise,  
 Que de mes propres mains un iour dedans Venise  
 Me promenant, ie pris tout de son long couché  
 Dans le trou vermoulu d'un Gondole caché.

29 Toy poisson tout couuert de piquantes sagettes  
 Qui tes traits asilez, en ton courroux reiettes

Comme le Porc-espy, eslançant furieux  
 Tes dards enuénimez à l'encontre de ceux  
 Qui fols ont comploté ta ruine prochaine,  
 Les enuoyant gueér dans l'onde Stygienne  
 Que tu es merueilleux! hé que nature a bien  
 Pour tousiours conseruer le cher ouurage sien.  
 Doie ton petit corps d'une vine pointure  
 Pour aux autres poissons ne seruir de pasture.

30 Quel cestuy-cy qui a sous les ondeux efforts  
 De pointes tout couuert son trop debile corps?  
 Qui vit en pleine mer avec toute assurance  
 De la dent ennemye & de la violence  
 De ses concitoyens, estant de toutes pars  
 De chausse-trapes plein piquantes comme dards:  
 Qui font qu'au beau milieu de la troupe marine  
 De tous ses ennemis sans crainte elle chemine:  
 Et lesquels n'oseroient que de loing l'approcher  
 Tant & tant ils ont peur de sa piquante chair.

31 Merueilleux en grandeur qui peux dessous ta Targe  
 Couvrir une maison mediocrement large,  
 Qui sers à l'Indien pour voguer dessus l'eau  
 De Nauires, d'Esquifs, de Chalupes, & Bateau!

32 Admirable poisson miracle de nature!  
 Couuert non pas d'escaille ains d'une peau tresdure,  
 Triangle merueilleux: ( qui le plus riche traict  
 Que le peintre scauroit aux filles pour portraict



Donner, pour dextrement suivre la belle trace  
 D'un œuvre eslabouré que le crayon compasse)  
 Portes avecques toy? car ton beau corps reçoit  
 Des traits si bien formez, que celui qui les void,  
 Ne peut rien qu'admirer & l'ouvrier & l'ouvrage  
 Qui t'a faict & qu'on void en ton petit corsage.

33.34. Le monstrueux enfant: le Monocule Aigneau:

35.36. Le Pigeon double-teste; & le Chien rare-beau  
 Que l'on doibt admirer ayant( grandes merueilles)  
 Huiet pieds, un chef, un œil, deux queues, quatre oreilles.

37 Puis ce rare Chaton que la nature a faict  
 Que de ses propres mains elle mesme a parfaict,  
 A qui elle a donné pour monstrier ses merueilles  
 Huiet pieds, un chef, deux yeux, deux queues deux oreilles

\*\* Et cet autre agnelet aussi rare que beau  
 ( Si beau se doibt nommer, un monstre si nouveau)  
 A qui nature a faict pour monstrier ses merueilles  
 Huiet pieds, trois yeux, un chef, deux queues, quatre oreilles

Icy ie pourrois bien afin de contenter  
 Ta curieuse oreille ( ô Lecteur) reciter  
 De ces monstres diuers la naissance diuerse,  
 Pourquoi plus pourquoi moins? mais la nature dresse  
 Soit au pur ou impur, soit au beau soit au laid  
 Des corps mixtes formez un different portraict  
 C'est la seconde humeur qui l'espece conserue,  
 Que tantost plus ou moins la nature reserue,

Que si la quantité de ce germe fecond  
Manque, pour composer ce Microcosme rond  
Vn enfant se verra ô merueille profonde  
Qui viendra mutilé voir la clarté du monde  
Soit de pieds soit de mains : mesmement on a veu  
Vn enfant qui sans teste est au monde venu  
Et depuis peu de iours une fillette nüe  
Belle en perfection dedans Poictiers s'est veüe  
Sans bras n'ayant qu'un pied; dont le discours Flamand,  
Italien, François, Anglois, & Allemand,  
Donnoit tant de couleur à sa grace gentille  
Qu'on l'admiroit en tout comme une entiere fille  
Et alors que son corps se couuroit d'un manteau  
Tout ce qui paroissoit en elle estoit tresbeau  
Ses yeux estoient fort doux, & sa bouche petite,  
Ses cheueux frifotez; d'une façon despite  
Se contournoit le front, & retenant son ris  
Faisoit voir la beauté de ses voutez sourcils  
Et de son pied tantost tissoit de beaux ouurages  
Filoit, cousoit, faisoit, tous les autres mesnages.  
Bref cest esprit gentil pour l'aage & pour l'attraict  
Dans un corps si difforme estoit trouué parfaict  
Et en ce mesme temps & durant la MAIRIE  
Du Sieur de TRAVARZAY honneur de sa patrie,  
Le chef de la Iustice, instrument de vertu  
Qui comme un braue Hercule à tousiours combatu



Les vices trop frequens dans ce siecle où nous sommes  
Par la corruption inconstante des hommes  
Qui tient le Mas en main & qui Phare reluit  
Dans Poictiers tout ainsi que Phebe dans la nuit  
Passa par ceste ville un certain personnage  
De trente ou quarante ans qui auoit le visage  
Grand, long, barbu, rousseau, & au reste en effaict  
On l'eust pris à cheual pour un homme parfaict  
Il n'auoit que le haut & peu pres la ceinture  
Le reste de son corps auoit ronde figure  
Sans cuisse, sans genoux, sans iambes, & sans pieds:  
Cependant il tenoit nos yeux si bien liez  
Aux saults que sans repos il faisoit sur la table  
Que cela le rendoit du tout esmerueillable:  
Il n'auoit rien qu'un bras & qu'un petit mougnon  
Qui secundoit de pres son entier compagnon;  
Et montant comme un Chat d'une vitesse isnelle  
Les rolons asseurez d'une bien grande eschelle;  
Donnoit telle fraieur en le voyant si haut  
Qu'on croioit à tous coups luy voir prendre le sault.  
Mais ainsi qu'un garrot qu'un fort archer descoche  
Il descendoit à bas avec son mougnon croche  
Puis sautant en la place il accordoit au son  
De quelque air frais apris son plaisant violon  
Ioiioit quelque Panane ou quelque Milanoise  
Quelque Bourrée ou bien quelque Volte françoise

Et pour le dernier mets, d'une aiguille montrait  
A coudre & à broder à qui le desiroit.  
Cela sont des effectz de l'ouurier admirable  
Pour rendre à ses enfans son nom plus redoutable  
Ce sont effects du peu de l'humeur contenu  
Que la creuse matrice en elle a retenu.  
Au contraire l'on void quand la semence abonde  
Dans les vases feconds de la matrice ronde,  
Que ceste quantité mixte confusement  
Dans l'amary germeux forme en un seul moment  
Un corps ou bien plusieurs: car la nature bonne,  
„ Pour un grain non un grain ains un milier nous donne  
Si que ceste semence estant en quantité  
Gloutonnement receüe en ce lieu decreté:  
Il s'en faict non un corps mais souvent deux ensemble:  
D'imparfaicte semence alors un corps s'assemble  
Tout seul dont il aduient qu'un corps (cas monstrueux)  
Se void de bras, de pieds, d'oreilles, teste, d'yeux,  
Doubler, & quelque fois la matiere estant moindre  
Deux testes en un corps seules se viennent ioindre.  
Quatre mains en deux bras & (cas prodigieux:)  
Un oeil tant seulement en un corps pour quatre yeux  
Tefmoing ce rare Chien de huit pieds quatre oreilles  
Qui n'a qu'un oeil au front (merueille des merueilles)  
Monstre que ma donné la liberale main  
Du sieur de la BOESSIERE Archite Poiteuin



Timanthe sans esgal dont la dextre sçauante  
 Faiet tout ce que nature à nostre œil represente.  
 Et cest Aigneau qui dans le milieu du front  
 Comme un autre Cyclope un œil grand large rond.

Quelle science humaine he! quel grand Hypocrate,  
 Quel docte Galien, quel fameux Theophraste,  
 Mais quel Stagyrien, quel Plin quel Fernel,  
 Quel Oribase encor, quel Acee quel Ruel,  
 Voudroit sur ce subiect de sa plume tonnante,  
 De ces monstres montrer la cause menaçante.  
 Je sçay que par raisons tresualables on peut  
 De ces corps imparfaicts raisonner si l'on veut:  
 Mais quoy? quelle raison simplement naturelle  
 Peut comprendre en son sens la raison supernelle?

„ Car tous ces grands deffauts ou du trop ou du peu  
 „ Sont signes quelques-fois que Dieu nostre grand Dieu  
 „ Veut par la faire voir aux Peres & aux meres,  
 „ Aux Oncles, aux Cousins, aux Tâtes, Sœurs, & Freres,  
 „ Que l'enfant mutilé n'est par cas fortuit  
 „ Dans la mere conçu, ains cela nous instruiet  
 „ Par la il nous faiet voir, il faiet par la cognoistre  
 „ Qu'il faut sur tous les noms son saint nom recognoistre:  
 „ Et le recognoissant pour Pere IMMANVEL  
 „ Que seul il a sur nous le pouuoir actuel:  
 „ Qu'il faiet tout, qu'il peut tout, que la machine ronde  
 „ Iamais ne feust, ny n'est, ny ne sera seconde

„ Que par luy non pour luy, non pour luy, mais pour nous  
„ Tant il est Pere bon, clement, paisible, & doux:  
„ Car tout cela que l'air en son vuide supporte,  
„ Tout cela que la mer dans son creux ventre porte,  
„ Tout cela que les monts, les valons & les prez  
„ Tiennent dans le contour de leurs clos emmurez;  
„ Tous les tresors enclos dans les creuses montagnes:  
„ Bref tout cela qui croist dans les grasses campagnes  
„ Sont à l'homme tout seul; & Dieu pour tant de bien  
„ De nous il ne requiert de nous il ne veut rien  
„ Qu'un cœur tout penitent qu'un cœur d'obeissance,  
„ Qu'un cœur humble un cœur doux plein de sa cognoissance.  
„ Reconnoissons-le donc & ces monstres diuers  
„ Naissans confusement par ce grand uniuers  
„ Ne paroîtront iamais, & les races secondes  
„ Ne verront dans leurs lits des choses si immondes.

38 Or ie ne suis encor des animaux de mer  
Seulement enrichy; mais de ceux la de l'air:  
De ceux qui vont rampant & qui dans le feu mesme  
Tiennent leur garnison, dont la froideur extrême  
Amortit la chaleur des brasiers plus ardants,  
Quand pour en faire espreuve on les iette dedans:  
Les fruiets que le Perou, produict avec merueilles  
Je tiens abondamment: Et les Conches tresbelles,  
Que la mer iette à bord apres le dur trespas  
Des hostes casaniers qu'elle tient en ses bras.



39 Ce fruit Americain que la gent Idolatre  
 Adore comme un Dieu d'or d'argent ou de plastre  
 Par superstition ! que la brutale main  
 Du Caribe cruel fait d'un bruit si hautin  
 Resonner lors qu'il met dans ces fruits de merites  
 Du Mil de son pays, ou des pierres petites;  
 A tourez tout autour des plumages plus beaux  
 Du Toucan, de l'Arat, & des autres oyseaux  
 Les plus rares qui soient; & parez de la sorte,  
 Ministres de Sathan s'en vont de porte, en porte,  
 De village en village, & autour des maisons  
 Ce fruit ainsi paré ils plantent à foisons,  
 Avec commandement aux peres de familles  
 De donner sans delay toutes choses utiles  
 Pour les alimenter: Car Maracas ce fruit,  
 Est un Dieu qui repaist tant seulement de nuit

40 Ce Flammant flamboyant ce grand Phoenicoptere  
 C'est admirable oiseau que tout oiseau revere,  
 Qui comme un beau Phoenix est des autres suivy  
 De dix mille façons voletans à l'envy  
 De son corps admiré: tant la jalouse envye  
 De iouir d'un tel bien tient leur ame asservie:  
 Et tant ils ont a gré de recevoir l'honneur  
 D'aprocher son beau corps & sa rouge couleur,  
 Se mirer en ses yeux, & dans ses plumes belles  
 Contempler curieux ses beautez naturelles:

Le suiure tout par tout, voltiger en tous lieux  
Ou l'enuye le prend de voler sous les Cieux,  
Je te rends CATELAN mille & dix mille graces  
Du bien que sans subiect sans fin tu me pourchasses,  
Bien non point merit  , car tel presant de toy  
Seul pouuoit contenter la veu   d'un grand Roy:  
Mais puis que ta bont   de ce bien m'a faict maistre  
Je veux ton nom fameux par tout faire parestre:  
Gros d'honneur, gros de los, & des Pharmaciens  
De Mont-pellier brauer les honneurs anciens,  
Je veux mon Catelan que tout homme cognoisse  
Combien Poictiers par toy a receu d'alegresse,  
Contemplant c'est oyseau admir   d'un chascun  
Et par ses raretez estim   plus qu'aucun:  
Grand de pieds, grand de col, dont les flambantes aisles  
En couleur vont passant les flammes naturelles:  
Dont le bec monstrueux    nul autre pareil  
Rauit avec l'esprit la puissance de l'oeil.  
Que si de cest oyseau l'histoire n'est men  onge:  
Pour boire, tout son corps dans la riu  re il plonge:  
Puis ouurant son gros bec, il iette auident  
Dans son ventre alter   cest humide element:  
Fa  on du tout contraire aux oyseaux aquatiques  
Qui mettent dans les flots leurs longs cols fameliques.  
Bref cest oyseau sans pair en tout temps, & saison,  
Rauit des curieux la s  auante raison.



Mais entre les oyseaux qui viuent dessus l'onde  
 Qui volent dans les airs, qui decorent le monde,  
 Qui courent peu volants, & de ceux la qui font  
 Leur seiour eternal dans l'Ocean profond,  
 Et ceux qui merueilleux naissent (ô quel miracle!)  
 Ainsi que les Crauants, ou l'Escossois Barnacle  
 Enfans prodigieux d'un bois tout corrompu  
 D'un nauire guerrier par le temps tout rompu,  
 Eschoüé sur le bord tout pourry de vieillesse:  
 Rien rien de tout cela n'est égal en richesse,  
 En renom, en beauté, de ceux icy qui ont  
 Des autres tout l'honneur empraint dessus le front:  
 De ces deux rares beaux à nos yeux tous estranges  
 Et tirez à grands frais des pays plus estranges.  
 DE GYRON vertueux, remply d'heur & d'honneur  
 Qui curieux as faict ceste rare faueur  
 A Poictiers de monstrier en cinq belles iournées  
 Les oyseaux les plus beaux des terres fortunées:  
 „ Fortunées vrayment, car quelque part que soit  
 „ Où l'œil humain viuant tels oyseaux aperçoit,  
 „ C'est un lieu fortuné: & la terre maudite  
 „ D'animaux si parfaicts est du tout esconduite:  
 „ Ne voulant l'Eternel qu'un pays incognu  
 „ De si rares beautez en soit le contenu:  
 „ Les deserts ne sont pleins que d'Aspics, de Viperes,  
 „ De Serpens furieux, de Tigres, de Pantheres,

„ De Lyons rugissants, d'Onces, d'Ours, de Dragons,  
„ Et d'autres qui tous sont aux hommes furibons:  
„ Ce ne sont que venins des animaux qui gisent  
„ Es pays incognus où les hommes n'habitent:  
„ Cerastes, Basilicx, lancent de toutes parts  
„ Leur venin par la bouche & par leurs yeux agards:  
„ Bref l'homme seul cognoist les lieux que la puissance  
„ Divine, a de sa main beny des son enfance:  
„ Car dès le premier iour sa supreme bonté  
„ A donné à chacun son lieu tout arresté.  
Mais où naissent ceux-cy c'est un air chasse- peste,  
C'est un air plein de miel & de manne celeste,  
C'est la mesme douceur; bref c'est le Paradis  
Où Dieu de son bon gré logea l'homme iadis.

41. 42. Parangon le plus beau de la troupe vollante  
Seul portraict sur lequel tout esprit se contente,  
Qui portes sur ton chef comme un braue Docteur  
Un gros flocon doré signe de ta valeur,  
Que de beautez en toy! que de rares merueilles!  
Que de couleurs on void sur ton chef dos & ailes!  
Que tes yeux sont dorez, que ce riche veloux  
Tout l'honneur de ton bec est d'un noir-poly-doux.  
Mais de quelle couleur non point encore veüe  
Entre tous les oyseaux as tu teinte ta queue?  
Nul Tanné plus luyfant soubz le Ciel ne se faict  
Plus rare, plus poly, plus riche, & plus parfaict.



Que ce rouge est vermeil, l'honneur de ton visage  
 ( Si entre les oyseaux tel mot est en usage)  
 Que ton port est hautain, que braue ton marcher,  
 Que ta nature est douce à qui te veut toucher:  
 Qui roïes ton flocon autour de ta femelle  
 Qui n'est pas comme toy si parfaitement belle,  
 Mais ainsi que tu as dessus ton chef l'honneur  
 Et la marque d'un Roy ou d'un puissant Seigneur:  
 Elle a de son costé vers l'echine pendante,  
 Au lieu de Chapperon de couleur blanchissante  
 Vne queue, qui rend son los plus precieux  
 Et la faict estimer excellente à nos yeux.  
 Mais ces yeux tout de feu, dont les viues prunelles  
 Lancent confusement mille & mille chandelles  
 A son Ganga chery alors qu'elle cognoist  
 Qu'amour pour son subiect le touche & le deçoit.  
 De pareille façon qu'une ieune fillette,  
 Eslance les rayons de sa flamme secrette  
 Dans les yeux de l'amant, qui ne vit qu'en ses feux  
 Et faict en la voyant son Paradis heureux.  
 Donc Caracca sans per excellente en corsage  
 En couleur en façon, en port, & en plumage  
 Et toy Ganga l'obiet des plus rares esprits  
 Honorez maintenant mon Cabinet de prix

43 Toy suy ce couple heureux? toy glorieux Mamuque  
 Bourgeois de Paradis hôte du clair Moluque,

oyseaux

Oyseau miraculeux ? qui vis alegrement  
 Dans l'air (comme l'on dict) sans aucun aliment:  
 De qui mille escriuains plus grands que veritables  
 Ont l'aissé, par escript plusieurs gentiles fables:  
 Mais mon Luth resueillé en un siecle meilleur  
 Sonnera plus au vray ta gloire & ta valeur;  
 Il dira que volant avec ceux de ta sorte  
 Quel honneur quel amour à tes amis tu porte,  
 Lors que d'un cœur hardy sans craindre le danger  
 Vers l'ondoiant gazouil d'un ruisseau fontenier  
 Tu marches le premier ou bien souuent l'eau claire  
 Te faict sentir l'effort d'un poison mortifere:  
 Quel deuil entre vous tous ô charitable oyseau!  
 Il s'en faict à l'instant sur ton triste tombeau.

Ie ne tayray non plus la maniere excellente  
 Comment se compartit vostre troupe volante  
 Pour esquiuer l'aguet du traistre empoisonneur;  
 Comment vous deleguez quelqu'un de vostre chœur  
 Pour goster du cristal; lequel sain vous conuie  
 D'en boire asseurement sans crainte de la vie,  
 Appuiez sur l'essay qu'il en a desia faict  
 O grande prouidence! ô amour tres-par faict!

Icy vous rougirez esprits gonglez de rage  
 Qui des vostres sans fin, poignez l'heur & l'ouurage?  
 Qui au lieu de goster des premiers les ruisseaux  
 Du Parnasse, ou ie tends leurs boucheZ ses coupeaux;

M



Les empeschez de boire, & d'une audace grande  
Piquez à tous propos un des chefs de la bande;  
Jettez contre le Ciel vostre excrement baueux  
Qui reiaillit sur vous bien plustost que sur eux:  
Ces pauvres animaux que les plus beaux usages  
De la docte raison ne sçauroient rendre sages,  
L'un & l'autre enchainez d'un mutuel accord  
Ne sentent en leurs iours entre-eux le noir discord:  
Ains charitables, doux, benings, pleins de prudence,  
Exercent mieux que vous l'humaine bien-vueillance.

Cessez donc enuieux? vostre fiel funereux  
Ne sçauroit alterer mon estre bien heureux?  
Le Ciel malgré l'orgueil de vostre Muse noire  
Plantera mon Jardin dans le temple de gloire,  
Mon Cabinet remply du beau de l'Univers  
Immortel durera dans le son de mes vers  
Vers puisiez dans le sein des ondes d'Hippocrène  
Qu'à sourcés en mon cœur la Lyre Amphrisienne,  
Ainçois ma belle humeur ou mon sort curieux  
Qui pour estre trop haut vous esblouit les yeux.

Et toy qui que tu sois, ô Corbeau qui croace  
Secret comme un Hybou fuyant la blonde face  
Du flambeau donne-iour; si tu quiers de ce pas  
Quelque vieil cheual mort pour prendre ton repas,  
Et si piquant tu pais ton ardente furie?  
Reculé au loing d'icy, volle vers la voirie,

La tu contenteras ton vueil faux & bauard  
De mille coups de bec sur un corps sans repart.

Mais si tu es si grand, si facond, & si riche,  
Si Phoebus dans ton sein comme un Roitelet niche.  
O bel Orphé nouveau fais moy cognoistre un iour  
Ton nom, ta qualité, ta face, & ton seiour:  
Alors tu sentiras si ma Muse est bastarde  
Et si un autre plus l'aduanche ou la retarde.

Creue donc cependant, vomis ton noir venin,  
Peins comme tu voudras mes Vers & mon Iardin?  
Malgré toy leur beauté, leur grace, leur faconde,  
N'aïstra dans peu de iours heureusement au monde:  
Et ce braue Parnasse ou dormir tu me fais  
Pour ton los imparfaict n'en grossira ses faicts  
„ D'un tout semblable à toy le los & la loüange  
„ Qui prouient sans mesure, en deshonneur se change;  
Car le premier motif de ton fardé discours  
Est plus pour m'offencer que pour lustrer ses iours.  
Bref dans mon Cabinet, les larmes, les resines,  
Les gommes, bois exquis, les metaux les plus dignes,  
Et mille fruiçts loingtains si trouuent largement.  
Bref encor s'y peut voir, soit du froid Element,  
Soit du chaud, soit du sec, ou bien soit de l'humide  
Cent mille raretez, il n'y a rien de vuide;  
Que si vous l'ignorez, pour n'estre dit menteur,  
Voyez-le à la bonne heure; & certes de bon cœur



Je le vous ouuriray ; car rien ie ne desire  
 Tant que de contenter tout esprit qui aspire  
 Aux celestes vertus ; ma bonne volonté  
 Ia le Curieux des long-temps incité ;  
 Promettant de montrer tout ce que la nature  
 Tient de rare & de beau sous la ronde cambrure.  
 Mais pourois-je oublier le reste de mes fleurs  
 Pour vous Monstres diuers, poussé de ces fureurs ?  
 Non ? belles non si tost : puisque mon Luth releue  
 Son premier son par vous, par vous faut qu'il acheue.

54. Je ne t'oublieray pas Meleagride fleur  
 Qui es des prez herbus de saint Benoit l'honneur,  
 Où la neuuaine troupe avecques sa sequele  
 Du Printemps desire la saison renouuelle ;  
 Où les Naiades font du Iaspe de tes fleurs  
 Des Guirlandes afin d'en coronner leurs sœurs,  
 Gisantes ça & là par les verdes collines  
 Et dans le sein du Clain aux ondes cristallines.

Mon cher Clain murmurant dont le doux-graue-son  
 Des hostes bocagers, imite la chanson ;  
 Quand vn Zephire frais d'une soüefue haleine  
 A flots entrecoupez pousse ta moite plaine ;  
 Plus haut i'exalteray ton beau cours serpentant  
 Que du Tibre, ou du Po, n'est le cours loing-flotant  
 Plus que Loyre, que Seine, & plus que la Garonne  
 La Vienne, la Charente, & la Creuse, & le Rhosne

Bref ie te chanteray mon Clain à tousiours-mais  
Et ma Muse de toy ne se tayra iamais.

52 Ni de vous bel honneur du mont de Corycie,  
Thresor presque infini de la grand' Carmanie.  
Car outre la beauté que l'on cognoist en vous;  
Il se recueille encor dans vos fleurs, un poil roux  
Doux-leger odorant; dont la richesse exquise  
Des Abderoises mains en œuvre est souvent mise:  
Dont la iaune couleur teignoit anciennement  
Les theatres marbrés; quand prodigallement  
Ce grand Domitian, dans son Ampitheatre  
Faisoit couler par tout ceste couleur iaunastre  
Montrant au Thracien, au Sarmathe, à l'Anglois,  
Et à l'Egyptien, à l'Arabe, au François,  
Sa liberalité; faisant comme à l'enuie,  
Desgoutter en tous lieux le suc de Corycies  
Pour un simbole vray, que d'un Prince Romain  
On ne peut limiter le pouuoir souuerain,

55 Toy fils Cynirien frere & fils de ta mere,  
Engendré des vieux reins de ton pere-grand-pere;  
Quand ta mere sentant des brandons alluméz  
Du mignard Paphien ses esprits consumeZ,  
D'un deshonesté amour; (amour illegitime)  
Toute pleine d'horreur de frayeur & de crime,  
Affecta d'assouvir ses charnels appetis  
Avec son geniteur; lors que tous ses esprits



De rage bouillonnants; ne craignit des-honneste,  
 Detestable forsaict! de commettre un inceste;  
 Sois propice à mes vœux? pource qu'en ta faueur  
 Je veux à ta Cypris ordonner quelque honneur.

56. Mais qu'est-ce que j'entends? tout estonné ie tremble  
 Je fremis de frayeur; ha! i'e voy ce me semble  
 Un troupeau Lethean; troupeau chez qui la mort  
 Tient forte garnison, tient un rempart tres-fort,  
 Troupeau qui perilleux sa naissance rapporte  
 Du baueux Chien d'Enfer, de Pluton garde-porte.  
 Plantes belles de fleurs, mais de trop fort venin  
 Vostre ventre est farci, & vostre estomach plein?  
 Mais bien que vous portiez la pasle mort en croupe,  
 Il faut qu'honneur soit fait par vous à ceste troupe,  
 Laissez vostre venin faites seulement voir  
 Vos fleurs dont les couleurs vous font belles paroir;  
 Imitans le serpent qui son venin delaisse  
 Quand d'amour la Lemproye ardemment il caresse,  
 Affin que sans danger mille autres belles fleurs  
 Apportent à ce bal leurs bizarrees couleurs.

57. Vous belles qui portez dans vos tendres racines,  
 Mille sortes de morts, & mille medecines,  
 Qui faites mourir l'un qui l'autre guarissez  
 Qui retardez la mort, & qui trop l'avancez,  
 Qui seules guarissez ceux à qui l'on peut dire  
 Qu'ils doyuent voyager en l'Isle d'Antycire;

Qui du Cabrier Melampe auez reçu le nom,  
Comme ayant le premier acquis un grand renom,  
Pour auoir sçeu guarir par vos noires racines  
Les mugissants abboys des beuglantes narines  
Des Proëtides sœurs, quand de sauvages voix  
Elles remplissoyent l'air, les pleines & les boys.  
C'est de ceste herbe icy ame desesperée  
Que tu doibs entourner ta teste mal timbrée,  
Ame qui sans raison pour ton contentement  
Veux picquer mes labeurs trop indiscrettement.  
Si les fols par son suc, par ses fleurs & racine  
Reçoquent guarison du grand mal qui les mine,  
Sois plustost attentif d'embrasser sa vertu  
Qu'esplucher mon Iardin tout de gloire vestu.

58. Et vous dont les beautez ne sont moins admirables  
Que vos effects se font trouuer espouventables:  
Qui portez dans vos fleurs, racines, feuilles, fruits,  
Mille morts, mille horreurs, mille eternelles nuits.  
Bien qu'entre tant de morts, qu'avec vous on esprenue,  
Vne de vostre espee à ce iourd'huy se treuve  
Tres parfait aliment, dont un monde nouveau  
Se nourrit tout ainsi que d'un friand morceau:  
Beau morceau tubereux, dont la racine riche  
Ne se demontre auare, & encore moins chiche.  
Car un fruit radical en terre replanté  
En produict chascun an si grande quantité;



Que d'un pied seulement deux cens & pres de trente  
 Miracle ! i'ay cueilli de couleur rougissante:  
 Miracle si parfait que sous le grand flambeau  
 L'homme n'admire rien de plus grand, riche, & beau.  
 Fruict dont l'Americain pour mets plains de delices.  
 Tout ainsi que du Mais, fait ses exquis services,  
 Dont il vit pauurement, n'ayant pas comme nous,  
 Le froment au gros grain, blanc dedans, dessus roux.  
 Je te rends mille fois & mille fois encores  
 Humbles remerciemens; toy qui docte decores  
 Par tes rares vertus, la ville dont le nom  
 Est reconnu par tout d'un merite renom.  
 Ville blanche iadis, ô Lignerons lumiere  
 Que comme un autre Phare aux Rochelois esclaire;  
 De cest âge l'honneur, qui sçais si dextrement  
 D'un compas mesuré faire un compartiment,  
 Et qui tresdocte fais par tes Mathematiques  
 Mille sortes d'engins que si bien tu appliques;  
 Que ton esprit hardy desireux de l'honneur,  
 (Aguerry de longtemps à ce chery labeur)  
 A docte fabriqué: chose que fort on louë:  
 Une simple mouuante, & double & triple rouë,  
 Mouuement infini! qui par soy va tousiours;  
 Tout ainsi que par soy vont cheminant les iours  
 Par reuolution; & pour leuer les ondes,  
 Jusques à la hauteur des nuës vagabondes:

Et maints autres labeurs qu'escire ie ne veux  
Que pour subiect ie laisse à nos futurs nepueux.  
Mais l'enuieux mourant & l'enuie viuante  
Ialoux de tant d'honneurs, que ton ame sçauante  
Te faisoit acquerir; ont pales essayé  
Rompre de tes desseins le labeur estayé.  
Ont ainsi qu'à present voulu perdre ta gloire;  
Ces Zoïles fascheux qui troublans l'onde noire,  
Comme Autans eslancez veulent par leurs discours  
Fanir, s'il les pouuoient & mes fleurs & mes iours  
Mais comme un haut sapin que l'Aquilon agite  
Or deçà, or de là, de son flair tourne-vite,  
Sans bransler tant soit peu resiste courageux  
A ses efforts soufflants d'un esprit orageux;  
Pied ferme tousiours-beau monstre sa verde tresse  
Dans l'obscur verdure d'une forest espesse  
Toy ainsi tu t'es veu des mesdisans abbois,  
Sans qu'ils t'ayent peu vaincre, attaqué maintes-fois:  
Mais ferme tu as sçeu rompre leur viue atteinte,  
Ayant de la vertu au cœur la force empreinte;  
Outre tant de sçauoirs, dont tu vas decorant,  
Comme un Archite vray, ce siecle doux-courant.  
Tu as tousiours vacqué de toute ta puissance  
De chercher les thresors, qui dans l'Inde ont naissance,  
Pour en ton Cabinet monstrier en un moment  
Tout ce qui naist & meurt en ce bas element:



Dont ta grande bonté & ton amour loyalle  
M'a daigné departir d'une main liberale:  
Entre autres les Tatoüs, & l'Vletif poisson,  
Maints fruiçts, maints animaux, maint rare Limaçon,  
Et maints autres presens dont ie te remercie  
Que chers ie garderay tout le temps de ma vie.  
Iamais rien qu'Atropos ne pouuant retenir  
L'honneur que ie reçoÿ, de ton doux souuenir.  
Demeure donc heureux en la bande Celeste,  
Et moy en attendant ce beau iour, ie proteste  
De tousiours recueillir des simples le doux fruiçt  
Dont mon esprit se sent trauaillé iour & nuict.  
Car ie me puis vanter que dedans mon parterre  
Qui contient seulement deux fois dix pas de terre  
En longueur, & largeur) bien mille plantes sont  
Differentes de nom, qui portent sur le front  
Vn si graue maintien, qu'à les voir on peut dire  
Qu'il ne se peut rien voir de plus beau, sous l'Empire  
De ce grand Lyncean: & que ce large Tout  
N'a rien de plus exquis de l'un à l'autre bout:  
Qu'à vous grand de SVLLY, j'apends voüe & dedie,  
Qu'à vos yeux ie consacre: Et pource ie vous prie  
Le vouloir accepter: le present est petit;  
Mais pourtant tel qu'il est tousiours-verd il florist,  
Tousiours vn gay Printemps luit sur sa verte tresse,  
Et de l'Hyble tousiours la liqueur plus espesse

Tombe sur l'infini de ses varietez:

Et le bel œil du iour chemine à ses costez.

Tousiours doncques sur vous, belles le miel distille:

Tousiours doncques en vous se trouue chose vtile,

Tousiours, tousiours sur vous le beau s'aïlle cueillant,

Tousiours vostre beauté soit si perbe foulant

Les mortels Aconits, les Napels les Anthores,

Et la froide Ciguë, & les chauds Ellebores.

FIN.

Du don de Dieu ie suis

C O N T A N T.

N ij



THE  
LIBRARY OF THE  
MUSEUM OF NATURAL HISTORY  
AND  
ZOOLOGY  
OF THE  
CITY OF LONDON  
1871

THE  
LIBRARY OF THE  
MUSEUM OF NATURAL HISTORY  
AND  
ZOOLOGY  
OF THE  
CITY OF LONDON  
1871

1871



# LE NOM DES

## PLANTES DESCRITES ET


### PORTRAITES EN CE LIVRE.

<b>C</b> edre.	1	Prime-vere.	20
Sapin.	2	Oreille d'Ours	21
<b>I</b> eu.	3	Violette.	22
Cypres.	4	Narcisse Jaune.	23
Paliurus.	5	Narcisse blanc.	24
Laurier.	6	Iacinthe.	25
Vitex.	7	Trinitere.	26
Pistacher.	8	Tulipes.	27
Lentisque.	9	Corone Imperiale.	28
Therebinthe.	10	Lis de Perse.	**
Platan.	11	Hemerocalle.	29
Acacia.	12	Peoine double.	30
Termes.	13	Peoine blanche	31
Sumach.	14	Anemones	32
Oliuier.	15	Geranium.	33
Cyprus.	16	Ranuncules.	34
Arbouzier.	17	Cistes.	35
Laurier-Rose.	18	Ornitogalon.	36
Mirthe.	9	Satyrium.	37



Asphodeltes.	38	Iris.	49
Bolbonac.	39	Lis blanc,	50
Moly.	40	Lis rouges.	51
Pauot.	41	Safran.	52
Sesamoïde.	**	Martagon.	52
Gentiane.	42	Fretillaires.	54
Asteraticus.	43	Adonis.	55
Colchiques.	44	Aconit.	56
Anthirrinum.	45	Hellebores.	57
Aloës.	49	Solanum.	58
Licnis.	47	Opontia.	59
Aquilegia.	48		

**FIN.**



## LE NOM DES ANIMAVX

*d'escripts & portraicts en ce Liure.*

<b>C</b> Rocodile.	1	Esquilles de mer.	23
Serpent.	2	Poisson qui a deux cents	
Toüous.	3	dents.	24
Tiburon.	4	Grenouille pescheresse.	25
Herisson.	5	Renard de mer.	26
Creac.	6	Chameleon.	27
Dragon.	7	Hypocampe,	28
Orbis.	8	Porc-Esny Marin.	29
Orbis.	8	Orbis pointu.	30
Vranoscope.	9	Tortuë de mer.	31
Toucan.	10	Poisson en triangle.	32
Canoë.	11	Enfant monstrueux.	33
Vletif.	12	Aigneau monocule.	34
Xiphis.	13	Pigeon à deux testes.	35
Lezard cresté.	14	Chien à huit pieds.	36
Armadille.	15	Chat à huit pieds.	37
Tatoü.	16	Salemandre.	38
Remore.	17	Maracas.	39
Chauue-fouris.	18	Phœnicoptere.	40
Chancre molucan.	19	Ganga	41
Melon espineux.	20	Caraca.	42
Diable de mer	21	Manucodiate.	43
Soleil de mer.	22	<i>F I N.</i>	






TABLE DES MATIÈRES  
DES CHAPITRES

1	1	1
2	2	2
3	3	3
4	4	4
5	5	5
6	6	6
7	7	7
8	8	8
9	9	9
10	10	10
11	11	11
12	12	12
13	13	13
14	14	14
15	15	15
16	16	16
17	17	17
18	18	18
19	19	19
20	20	20
21	21	21
22	22	22
23	23	23
24	24	24
25	25	25
26	26	26
27	27	27
28	28	28
29	29	29
30	30	30
31	31	31
32	32	32
33	33	33
34	34	34
35	35	35
36	36	36
37	37	37
38	38	38
39	39	39
40	40	40
41	41	41
42	42	42
43	43	43
44	44	44
45	45	45
46	46	46
47	47	47
48	48	48
49	49	49
50	50	50
51	51	51
52	52	52
53	53	53
54	54	54
55	55	55
56	56	56
57	57	57
58	58	58
59	59	59
60	60	60
61	61	61
62	62	62
63	63	63
64	64	64
65	65	65
66	66	66
67	67	67
68	68	68
69	69	69
70	70	70
71	71	71
72	72	72
73	73	73
74	74	74
75	75	75
76	76	76
77	77	77
78	78	78
79	79	79
80	80	80
81	81	81
82	82	82
83	83	83
84	84	84
85	85	85
86	86	86
87	87	87
88	88	88
89	89	89
90	90	90
91	91	91
92	92	92
93	93	93
94	94	94
95	95	95
96	96	96
97	97	97
98	98	98
99	99	99
100	100	100











































34



34



33

36



31





8



12



32



5

















